



ლიტერატურული მეხსიერი

№4 (320)
აპრილი
2025 წელი
ფასი 40 თეთრი

გამოცემის ოცდაათწლიანი წელი

"LITERATURULI MESKHETI"

სამეფო სახლის წევრების გადასახლება რუსეთში

პახანა გურული

(დასაწყ. ნინა ნომერში)

არსებობს ივანე ლავროვის მკვლელობის მეორე ვერსია — მარიამ დედოფლისეული. მარიამ დედოფლის მიტოვებული ჩვენების მიხედვით, მოვლენები ასე განვითარდა: 1803 წლის 19 აპრილს, დილით, დედოფალთან მივიდა გენერალ-მაიორი ივანე ლავროვი ოფიცრებისა და კაზაკების თანხლებით. გენერალი დედოფლის საწოლს ოთახში შევიდა და მას გააცნო პავლე ციციანოვის განკარგულება მისი და მისი შვილების რუსეთში სასწრაფოდ გაგზავნის შესახებ. დედოფალმა ითხოვა, — ერთი საათი მაინც დამაცადეთ, ბავშვებმა გაიღვიძონ და მეც გამოვალ. ლავროვი გაბრაზდა და კაზაკებს უბრძანა საწოლიდან გადმოეყვანათ დედოფალი და ბატონიშვილი თამარი. თვითონ ლავროვმა დედოფლის საწოლი ოთახი დატოვა. ოფიცრებმა და კაზაკებმა დედოფალს ხელი სტაცეს და საწოლიდან ჩამოთრევთ მოუწოდეს. მაშინ ხანჯალმომარჯვებულმა ჯიბიდან ბატონიშვილმა შესძახა: *საბამ ცოცხალი ვარ, დედაჩემს არ გათრევენთო*. თამარ ბატონიშვილმაც თანხიდან ხანჯალი ჩამოიღო, მოიმარჯვა და მუქარით მიმართა რუსებს. ხმაურზე ლავროვი ხმალომდებული შეიჭრა დედოფლის საწოლს ოთახში. მარიამ დედოფალმა ხანჯალს ხელი სტაცა. ეს რომ ლავროვმა დაინახა, დედოფალს ხმალი მოუქნია და მხარში დაჭრა. დედოფალს მეორე ჭრილობა გენერლის თანხლებმა კაჭკაჭოვმა მიაციწა. დედოფალს აღარ ახსოვს, ვინ მიაციწა მარცხენა ხელის ზურგზე მესამე ჭრილობა, რადგან გონება დაკარგა. იგი თბილისის პოლიცმასტერმა სურგუნოვმა მოასულიერა, ხოლო ასლან ორბელიანმა საბანზე დაანეწინა და გარეთ გააცივანა. საბანში გახვეული დაჭრილი დედოფალი დიდ ყუთში მოათავსეს და ყუთი რუსმა ჯარისკაცებმა ქალაქის გასასვლელისაკენ წაიღეს. ვერის ხიდან დაჭრილი დედოფალსა და მის გამცილებელ რაზმს სომეხი ექიმი თათულა წამოეწია, რომელმაც დედოფალს ჭრილობები შეუხვია.

მარიამ დედოფალი 1803 წლის 16 ივნისს რუსეთის იმპერიის სინოდისადმი გაგზავნილ თხოვნაში აღნიშნავდა, რომ გენერალ ლავროვის მკვლელობის ამბავი მან ვერეს ხიდან ექიმ თათულასაგან შეიტყო. როგორც ჩანს, უფრო სანდო მარიამ დედოფლის ვერსია უნდა იყოს — დედოფალს ივანე ლავროვი არ მოუკლავს, გენერალი არც რომელიმე ბატონიშვილის მიერა მოკლული. თანამედროვეებმა, — ქართველებმაც და რუსებმაც, კარგად იცოდნენ, რომ ივანე ლავროვი აზნაურმა ნიკოლოზ ხიმშიაშვილმა მოკლა. სიტყვები, — „ხელი დედოფალს?!“ რომელიც დედოფლის საწოლს ოთახში მყოფებმა სავსებით გარკვევით გაიგონეს, სწორედ ნიკოლოზ ხიმშიაშვილს ეკუთვნოდა. გენერლის მოკვლის შემდეგ ნიკოლოზ ხიმშიაშვილი ფანჯრიდან გადხტა და თბილისი დატოვა. ნიკოლოზ ხიმშიაშვილი რომ გენერალ ლავროვის მკვლეელი იყო, ადასტურებდა სამეგრელოს დედოფალი ნინო (გიორგი XII-ის ასული) 1817 წელს საქართველოს მთავარსარდალ ალექსეი ერმოლოვისათვის გაგზავნილ წერილში. დედოფალი ნინო აღნიშნავდა, რომ სიკვდილის წინ ნიკოლოზ ხიმშიაშვილს მისთვის უთქვამს, ივანე ლავროვი მე მოგკალიო. 1818 წელს არქივპისკოპოსი პაფნუტიც ნიკოლოზ ხიმშიაშვილს ლავროვის მკვლელობის მოიხსენიებდა. ნიკოლოზ ხიმშიაშვილს ლავროვის მკვლელად მიიჩნევდა ალექსანდრე ორბელიანიც. ივანე ლავროვის მკვლელობის ამბავი დივანის სისწრაფით გავრცელდა თბილისში. ხმა დაირხა, რომ იმპერატორი ქალაქის დარბევისა და მისი მცხოვრებლების დასჯის ბრძანებას გასცემდა. პავლე ციციანოვს დიდი ძალისხმევა დასჭირდა იმისათვის, რომ ხალხი დაეწყნარებინა. მარიამ დედოფალი, როგორც აღვნიშნეთ, იმ დღესვე, 1803 წლის 19 აპრილს, გაამგზავრეს თბილისიდან. ოფიციალური ვერსიით, დედოფლის სახლის გაჩრდილვის რუსებმა იპოვეს გადამალული თოფები და დამბაჩები. სერგეი ტუჩკოვი 1803 წლის 19 აპრილს, ადრე დილით, შეუდგა ციციანოვის

ბრძანების შესრულებას. ბაგრატ ბატონიშვილთან ერთად თბილისიდან გასული გენერალი მცხეთაში ჩავიდა. გზაში ტუჩკოვს ლავროვის მკვლელობის ამბავი აცნობეს. კიდევ რამდენიმე საათიც და ასლან ორბელიანმა მცხეთაში ჩაიყვანა მარიამ დედოფალი შვილებითურთ. ღირსეუბაყრილ დედოფალს, როგორც მკვლელს, ვორონეჟში გადასახლება მოუსაჯეს. ციციანოვმა ბრძანება გასცა, რომ მარიამ დედოფლისთვის დანა არ მიეცათ სადილის დროსაც კი. ციციანოვმა მცხეთაში ერთი ღამით შეჩერებულ გენერალ



ძველი თბილისი

ტუჩკოვს თავისივე პოლიკიდან ერთი ბატალიონი გამოეყო. რუსებს ცნობა ჰქონდათ, რომ მარიამ დედოფალმა გაქცევის მცდელობის წინ თავაურის ხეობის ოსებს 1.000 მანეთი გაუგზავნა და, მისი რუსეთში გადასახლების შემთხვევაში, გზის ჩაკეტვა სთხოვა. 1803 წლის 4 მაისს დუმეთის მაზრის კაპიტან-სპარაპეი ციციანოვს მოახსენებდა, რომ აზნაურმა გიორგი ყაზბეგმა მას ასეთი რამ უთხრა: *ჩვენმა დედოფალმა თქვენი გენერალი მოკლა, ორი დღის შემდეგ არც შენ იქნები ცოცხალი!* მიუხედავად ამგვარი განწყობისა, გიორგი ყაზბეგს დედოფლის გათავისუფლება არ უცდია. 1803 წლის 20 აპრილს გენერალ-მაიორი სერგეი ტუჩკოვი მცხეთიდან გავიდა, დუმეთი და აზნაური გაიარა, კავკასიის მთავარი ქედი გადალახა და სტეფანწმინდაში ჩავიდა, სადაც ერთი დღე შეისვენეს. გამცემი დედოფალი რაზმს 30 კაზაკი შეუერთდა. კაზაკებმა ამბავი მოიტანეს, რომ დარიალის ხეობაში შეიძლება ჩასაფრებას წასწყდომოდნენ. მეორე დღეს ტუჩკოვმა სწრაფი მარშით იარა, ხოლო მესამე დღეს, დილით, დარიალის ხეობაში შევიდა. ტუჩკოვმა რაზმი მზადყოფნაში მოიყვანა, ხოლო მებრძანებებს საბრძოლო მარშის შესრულება უბრძანა. ჩასაფრებული ოსები აჩქარდნენ და რუსული საბრძოლო მარშის გაგონებისთანავე ცეცხლი გასხნეს. ტუჩკოვისთვის ცნობილი გახდა, თუ საიდან ისროდნენ. თერგზე არსებულ ორივე ხიდან რუსები ძლიერ ჩასაფრებას წაწყდნენ, თუმცა შეჯახების შემდეგ მათ გზა გაიკვლიეს და იმავე დღეს სოფელ ბალთას მიაღწიეს. მეორე დღეს დედოფალი მარიამი შვილებითურთ ვლადიკავკაზის სიმაგრეში ჩაიყვანეს, სადაც ისინი მოზდოის კომენდანტმა პროტოპოპოვმა გადაიბარა. ვორონეჟში ჩასვლის შემდეგ მარიამ დედოფალი მონასტერში გამოკეტეს. რვა წლის შემდეგ მას უფლება მისცეს, რომ მოსკოვში გადასულიყო საცხოვრებლად.

დარეჯან დედოფლის გადასახლება რუსეთში მარიამ დედოფლის რუსეთში გადასახლების შემდეგ პავლე ციციანოვი დარეჯან დედოფლის საქართველოში დროებით დატოვებას დასთანხმდა. ამის მიზეზი დედოფლის შერყეული ჯანმ-

რთელობა იყო. მიუხედავად ავადმყოფობისა, დარეჯან დედოფალი არ წყვეტდა რუსეთის ხელისუფლების სანაღამდეგო მოქმედებას. მის გარშემო თავს იყრიდნენ რუსული მმართველობით უცხოელები თავადები, მათ შორის გამოირჩეოდნენ თავადი იოანე ორბელიანი და მისი სიძე თავადი სოლომონ თარხნიშვილი. სოლომონ თარხნიშვილი ციციანოვით უკმაყოფილო იყო იმის გამო, რომ ამ უკანასკნელმა თავადი შამშადლუსი მოურაობიდან გადააყენა. იგი არც მალავდა, რომ საქართველოს მთავარსარდალის

დაუძინებელი მტერი იყო. სოლომონ თარხნიშვილი სარგებლობდა თავისი სიმამრის ავტორიტეტით და რუსული მმართველობისადმი მტრულად განწყობილ ძალებს უყრიდა თავს. ციციანოვი გრძნობდა, რომ მის წინააღმდეგ ორგანიზებული ძალა მოქმედებდა. მალე საქართველოს მთავარსარდალის ეჭვი დადსტერდა. ციციანოვს შეატყობინეს, რომ იოანე ორბელიანი, სოლომონ თარხნიშვილი და კიდევ რამდენიმე თავადი რუსეთის იმპერატორთან თხოვნის გაგზავნას აპირებდნენ. თხოვნის შინაარსი ასეთი იყო: უნდა მომხდარიყო საქართველოს უზენაესი მთავრობის რეორგანიზაცია და ახალ მთავრობაში უნდა შესულიყო მხოლოდ ოთხი ქართველი თავადი და ერთი რუსი მოხელე, რომელიც მთავრობის თავმჯდომარე იქნებოდა. ცხადია, ციციანოვს თავადების თხოვნის პეტერბურგში გაგზავნა ხელს არ აძლევდა. მან თავადების გასაგონად განაცხადა, რომ იმპერატორისათვის თხოვნის გაგზავნა შესაძლებელი იქნებოდა მას შემდეგ, რაც გამგზავნელებს ექნებოდათ მთხოვნელთა წერილობითი მინდობილობა იმის ასხნა-განმარტებით, ვინ და რა მიზნით აგზავნიდა თხოვნას. იმავდროულად, ციციანოვის ბრძანების თანახმად, საქართველოს უზენაესი მთავრობის აღმასრულებელმა ექსპედიციამ მოსახლეობას ამცნო, რომ ერთ თხოვნაზე რამდენიმე კაცის ხელმოწერა დაუშვებელი იყო. იმპერატორთან თხოვნის გაგზავნის გარეშე ატეხილი მითქმა-მოთქმა ჯერ ჩამცხრალი არ იყო, როდესაც დარეჯან დედოფალმა პავლე ციციანოვს თბილისიდან სოფელ მუხრანში გამგების ნებართვა სთხოვა, სადაც იგი მუხრანელი ბაგრატიონების მამულით თავის შვილიშვილთან აპირებდა ცხოვრებას. ნასვლის მიზეზად დედოფალმა შვილი ქორის საფრთხე დაასახელა. ციციანოვმა კარგად იცოდა, რომ შვილი მხოლოდ მოგონილი მიზეზი იყო, მაგრამ დედოფალს მუხრანში ნასვლის ნებართვა მაინც მისცა. თავის დაზღვევის მიზნით საქართველოს მთავარსარდალმა მუხრანში განლაგებულ ნარვის დარაგუნთა პოლკის ესკადრონის მეთაურს, პოლკოვნიკ უმანცევს უბრძანა, თვალყური ედევნებინა და-

რეჯან დედოფლისათვის. ჩავიდა თუ არა მუხრანში, დარეჯან დედოფალმა ქართლის თავადების გადაბირება დაიწყო. მან თავადებს ამცნო, რომ მალე საქართველოზე გამოილაშქრებდა ირანის შაჰი, ხოლო ლეკთა ხუთასკაციანი რაზმი მუხრანში შემოიჭრებოდა და მას კავკასიის მთიანეთში გაიყვანდა. დედოფლის დავალებით იმავე ხმებს ავრცელებდნენ ქუთაისში მყოფი მისი ვაჟები, იული და ფარნავაზ ბატონიშვილები. ციციანოვს მოახსენეს, რომ თავადი ამირეჯიბი შვილთან ერთად დარეჯან დედოფალს იულონ და ფარნავაზ ბატონიშვილებთან აკავშირებდა. ამირეჯიბსა და მისი შვილები მეთვალყურეობა დანესდა, მაგრამ ორივემ გაქცევა მოასწრო. დარეჯან დედოფლის მიერ ქართლის თავადების მიმხრობის მცდელობამ ციციანოვი დაარწმუნა იმაში, რომ დედოფალი რუსეთში აუცილებლად უნდა გაესახლებინათ. თავისი გადაწყვეტილების შესახებ საქართველოს მთავარსარდალი უკვე ლიდ საუბრობდა. მალე ციციანოვს აცნობეს, რომ პეტერბურგში მყოფმა მირიან ბატონიშვილმა საქართველოდან საპარულ ენაზე დანერგილი ანონიმი ავტორის წერილი მიიღო. ანონიმი ავტორი მირიან ბატონიშვილს აცნობებდა, რომ დედამისი, დარეჯან დედოფალი ავად იყო და რუსეთში გამგზავრება არ შეეძლო. წერილის ავტორი მირიან ბატონიშვილს სთხოვდა, ყოველი ღონე ეხმარა დედოფლის საქართველოში დასარჩენად. წერილის ბოლოს, თითქმის, სხვათა შორის, აღნიშნული იყო, რომ ციციანოვის მხრიდან დევნის გამო ბატონიშვილი თეიმურაზ გიორგის ძე ხუთას მომხრესთან ერთად საქართველოდან ირანში გადაიხვეწა. ირანში მყოფი ალექსანდრე ბატონიშვილი ასევე ცდილობდა წინ აღდგომოდა დარეჯან დედოფლის რუსეთში გადასახლებას. ბატონიშვილს კარგად ესმოდა, რომ თუ დარეჯან დედოფალი სამშობლოს დატოვებდა, ქართლ-კახეთში მეფობის აღდგენის იდეა საშუალოდ დასაშარდებოდა. 1803 წლის 1 ივლისს ალექსანდრე ბატონიშვილმა თავიდან დატოვებული რუსეთი გაუგზავნა რუსეთის იმპერატორ ალექსანდრე I-ს და დედოფლის საქართველოში დატოვება სთხოვა. 1803 წლის 10 ივლისს ალექსანდრე ბატონიშვილმა უკვე ციციანოვსაც გაუგზავნა წერილი. ბატონიშვილი საქართველოს მთავარსარდალს წერდა, რომ თბილისში დაბრუნებაზე თანახმა იყო, მაგრამ იმითიც არ ბრუნდებოდა, რომ არ იცოდა, რა ბედი ეწოდა მას. ალექსანდრე ბატონიშვილი ციციანოვს ბრალს სდებდა იმაში, რომ მისთვის წერილის გაგზავნა პირადად არ ეკადრა და წერილი თავად ერისთავს დააწერინა. ბატონიშვილი აღნიშნავდა, რომ იგი რუსეთში წასვლაზეც თანახმა იყო, მაგრამ კარლ კნორინგის, ვიქტორ კორუბეისა და პავლე ციციანოვის საქციელმა გადააფიქრებინა. საქართველოს მთავარსარდალი ალექსანდრე ბატონიშვილთან ურთიერთობის მოგვარებას ჯერ კიდევ მანამდე ცდილობდა, ვიდრე ბატონიშვილი რუსეთის იმპერატორსა და პირადად მას მიმართავდა. 1803 წლის 31 აგვისტოს ციციანოვი ალექსანდრე ბატონიშვილს წერდა, რომ თუ ბატონიშვილი რუსეთში გამგზავრებაზე თანახმა იქნებოდა, მას იქ შესაფერი პატივით მიიღებდნენ. ციციანოვი ალექსანდრე ბატონიშვილის თანხმებულ თავადებსა და აზნაურებს ჰპირდებოდა, რომ საქართველოში დაბრუნების შემთხვევაში, იმპერატორის წინაშე უშუალოდგომდებოდა, რათა ეს უკანასკნელი ჩადენილი დანაშაულისათვის არ დასჯილიყვნენ. იმ თავადებსა და აზნაურებს, რომლებიც ირანში დარჩებოდნენ, საქართველოს მთავარსარდალი მამულების ჩამორთმევით ემუქრებოდა. ციციანოვის 1803 წლის 31 აგვისტოს წერილი ალექსანდრე ბატონიშვილთან აზნაურმა ზაქარია ჯორჯაძემ წაიღო. გზის ფულად მას 100 მანეთი მისცეს. მოგვიანებით გაირკვა, რომ ზაქარია ჯორჯაძეს წინაშე ირანიდან ალექსანდრე და თეიმურაზ ბატონიშვილის წერილები მოჰქონდა დარეჯან დედოფალთან. ამჯერადაც ალექსანდრე ბატონიშვილმა მას დარეჯან დედოფალთან ოთხი წერილი გამოატანა. ერთგულ აზნაურს

მაია სოფარიძე



წვიმს და...

წვიმს და გული გამიწყალა წვიმამ,
წვიმს და ვფიქრობ, გადაიღებს როდის?
ადრე რასაც სულ ნამცეცა მწყინდა,
ახლა ცრემლი უმიზეზოდ მომდის!...
ადრე თითქოს მიხაროდა მცირე,
ამ სამყაროს სიყვარული მჭირდა,
დღეს ჩვენ შორის დაწერილა ტირე,
ვინაც ჩემ ბედს, ჩემს მაგივრად ჭრიდა!...
მარტმა იცის უსაშველო წვიმა,
ნაადრევად აფეთქება ნუშის,
მენატრები ისე, როგორც წინათ,
და ცივ ხელებს ვაფათურებ სულში!...

ინგა ლოგჯანიძე



ფრთა გაშლულ არწივისა

გადახედე ამ სამყაროს,
შენ შვილი ხარ თვით უფლისა,
და არ მისცე წუთისოფელს
დრო დაცემის, დაჯახნისა.
გულში ლომი აღრიალე,
ფრთა გაშალე არწივისა,
აბა, სისხლი რა სისხლია
თუ ის ძარღვში არ ჰყივისა.
თუ სურნელს არ დაატარებს,
გაზაფხულის დარივითა,
ხორციც მხოლოდ ხომ ლეშია,
თუ ოფლს არ ჰღვრის ხარივითა.
გული?! გულიც არც რა არის,
თუ იქ ღმერთი არა ზისა,
თუ არა აქვს ერთგულება
ძმის და ცოლის ლამაზისა.
არეშარეს თუ არ აფრქვევს
ოქროს სხივებს, თბილი მზისას,
თუ არ დააქვს სიყვარული

რა აზრი აქვს ფერდაკარგულ წუთებს,
რა აზრი აქვს, სისხლის ნაწერ პნკარებს,
მოგონებებს ღამეს თეთრად ვუთევ
და საკეტიც შევეუცვალე კარებს!...
ცხრაკლიტულში გამოვკეტე გული,
ცისფერ ტბისკენ არ გამექცევს მზერა,
ასაფრენად შევამზადე სული,
არ გამიშვებ მარტოს არსად – მჯერა!...
ცაზე ვუცქერ მონაცრისფრო რიჟრაჟს,
სველ ქუჩაზე მიბარბაცებს მთვრალი,
მხოლოდ ერთს გთხოვ, არ ჩამთვალო
გიჟად,
წვიმს და წარსულს გადავაგლე თვალი!...

გულში ქარიშხალი, სულში ქაოსია
ველარ დავალწიე თავი ლაბირინთებს,
ფიქრი სინანულზე – ახლა რა დროსია...
მე თუ ავტირდები – შენ ვინ
გაგიღიმებს?!...
დღეა გადამღლევი – სულ არ მიხარია,
სხვა თუ გეყვარება – მე არ დავმცირდები,
ადრე გავეცლები დროის რია რიას
ფრთები რომ დამემსხვრეს,
მაინც აფვრინდები!!!
უნდა გადმოგხედო ერთხელ ცის თალიდან,
მიწამდე დაშვება რთულია არც ისე,
მითხარი, რას ეძებ? მითხარი – რა გინდა?!
ეკლიან ვარდებს თუ – გათოშილ
ნარცისებს!...
მაგრამ შენ დაფრინავ ჩემსავით
უბრალოდ,

გაფრენა ყოფილა სულისთვის წამალი,
ჩვენ ვერ წაგვშლიან, ვერასდროს
უკვალოდ,
მიზანი ერთია, მიზეზი მრავალი!!!
სულში სიმშვიდეა, გარეთ ქაოსია,
თავი დავალწიე მგონი ლაბირინთებს,
ფიქრი სინანულზე ახლა რა დროსია
მე თუ ავტირდები – შენ სხვა გაგიღიმებს!!!

ეს გზა როდესმე შენთან მომიყვანს,
მაგრამ სათქმელი მექნება სულ სხვა,
სისხლით დაწერილ ლექსებს მოგიტან,
რომელიც დღემდე წარსულით მსუსხავს...
დიდი ხანია მაგ თვალთა მზერა,
სხვა თვალის ფერზე დაგეშილია,
მათი ციმციმის სიყალბის გჯერა,
მაგრამ მე მაინც არ მეშინია...
გეტყვი – რომ ღირდა ცხოვრება შენთვის,
გეტყვი – რომ ღირდა სიცოცხლე ამად,
ჩვენ ერთმანეთის სიშორე შეგეშლის,
ლოდზე დამსხვრეულ ტალღას რომ
ვგავართ...
ეს გზა როდესმე შენთან მომიყვანს
და გზას ექნება ბილიკიც, ხიდიც,
ლექსით ნაწამებ ფურცლებს მოგიტან,
სადაც გხატავდი, მაგრამ ვერ გშლიდი !!!...

ქეთევან ღვინფაძის...

დედოფალო, საქართველოს სინდისო,
ცის ტატნობზე ღვთისმშობელს გვერდს
უმშვენებ,

დედამიწას, თურმე გული მისდისო,
როცა ცოდვას უგვურები უშვებენ!...
არ გინდოდა შენ შირაზის ვარდობა,
კახეთის გულს ამშვენებდი სინმინდით,
საქართველო გლოვობდა და დარდობდა,
და ლოყაზე სილას თავად ვინმინდით!...
დედოფალო, ეკლიანი გვირგვინით,
მკერდაჩეხილს სისხლი მინას ალბობდა,
შენი სულის უკვდავებით გვივლიდი,
შენი რწმენის მტკიცე ძალა გვათბობდა!...
ვინ გაკვალა ბილიკები უფალი,
ან სამშობლო ან შირაზის ვარდობა,
შენ სიკვდილით აირჩიე უფალი,
შენ წამებას ურჯულონიც დარდობდა!...
დღეს ტაძარში ხატებს დასდის მირონი,
ცრემლის კვალსაც ეს კედლები ინახავს,
დედოფალო – საქართველოს წმინდანო,
ისტორია შენს ქალობას გვინახავს!!!

მე მახსოვს, იმ დღეს დუელში მომკლეს,
შიგ მკერდში მომხვდა ნასროლი ტყვია,
არ გავაგრძელებ და ვიტყვი მოკლედ,
სიკვდილით გული არ დამწყვეტია.
აზრი არ ჰქონდა ჩემს გამარჯვებას,
სისხლით შელება სვავმა ნისკარტი,
არც ამიღია ზემოთ მარჯვენა,
რადგან ვიცოდი, რომ არ გიყვარდი.
როცა სიცოცხლეს მწუხრი აქრობდა,
ცაში ჩიტებმა შეჰქმნეს განგაში,
როგორც შენ თვალზე ცრემლი არ გქონდა,
ისე არ მქონდა ტყვია ნაგანში.

ტაო-კლარჯეთს უგალობდა,
ზარს რეკავდა ოშკიდანა,
და ვინ მოსთვლის ამ მიწაზე
წმინდა ტაძრებს ამისთანას.
მათ დიდებას ქედს უხრიდა,
დიდ მეფეთა ოქროს ხანა,
ახლა ვუცქერ გულმოკლული,
სული მეწვის ცოდვისგანა.

ტაო წყალში ჩაძირულა,
ცრემლი დასდის თვალთაგანა,
ანგელოზნი უგალობენ
ჭირისუფლად თავს ადგანან.
ჩამოშლიათ წმინდა მკერდი,
მიტოვებულთ კაცთაგანა,
ძალას აძლევთ ზართ გუგუნი
ზარზმის წმინდა ტაძრისგანა.

ყურს უგდებენ მესხთა სუფრულს
აჭარლების განდა-განას,
ამდენ რამის გადამტანნი
მაინც რა ამაყად დგანან.
დგანან რწმენად და იმედად
თავის მიწის გასატანად,
დგანან თავის მძიმე ჯვარის
გოლგოთაზე ასატანად.

ნურვინ ხარობს, მათ ნანგრევებს
თუ გათელავს ფეხთაგანა,
ცოდვას ყველას მოჰკითხავენ,
აქ თუ არა, იმ ქვეყანას!!!

ღვთით კურთხეული მხარეო

მესხეთო, ედემს ვადარე
მე შენი არე-მარეო,
მადლობა, რომ რაჭის შვილი
შენს კალთას შემეფარეო.
გულში ჩამიკარ, გამათბე,
და მეც მზეს შეგადარეო,
რაჭას გამსგავსე მშვენიებით
მასსავით შეგიყვარეო.

თუმცა ვაების ცრემლები
შენ უფრო მეტი ღვარეო,
ფარად ედექი სამშობლოს,
გოლგოთა გაიარეო.
შავ ჩოხით დამშვენებულო,
სისხლით ნაფერო არეო,
რამდენი ნალველით სავსე
ფიალა გამოსცალეო.
რამდენჯერ გმირთა აკვანთან
გითენებია ღამეო,
რამდენი კარგი ვაჟკაცი
შენს მინას მიაბარეო.
ურდოს უღელქვეშ გმინავდი,
ბევრი დღე განვლე მწარეო,
ჯვარს გულით დაატარებდი
ფარ - ხმალი არ დაყარეო.
არ გაახარე მომხედური,
დაგვტოვე პირმცინარეო,
რწმენით ნაჭედი ისარი
მტრის გულში გაატარეო...
ვუცქერი შენს ნაიარევს, –
ცრემლები ვერ დავშალეო,
შენს მკერდს ნაფენი იები
ვთვალე და ვერ დავთვალეო...
და მაინც ფეხზე დადექი,
ჩემო ტანჯულო მხარეო,
უბეს მალული წალამი
კვლავ რწმენით გაახარეო.
აანკრიალე ზარები,
ღვთის მადლი გადმოღვარეო,
ღვთისმშობლის კალთა ჭრილობებს
მალამოდ დააფარეო...
ჩემო ღამაზო მესხეთო,
შენს მინას ვენაცვალეო,
შენი ღამაზი ცის ფერი,
მე სხვაში ვერ გავცვალეო.
ვერ შეველიე შენს ლურჯ მთებს,
ფიქრებით დავიარეო,
ამაგიანი კალთები
გულს ხატად დავიფარეო.
ღმერთო, ამ ნაკურთხ მიწაზე
გვახარე, გვამზიანეო,
ხანძთაში ჯვარი დაგვწერე,
კლარჯეთში გვაზიარეო.

ფასრ-ალ-ლინ გორგანი

რამდამცინისაბან:

„ლიტერატურული მესხეთი“ აგრძელებს მსოფლიო პოეტური შედეგების, სპარსული სამიჯნურო რომანის „ვისრამიანის“ ქართული თარგმანის ლექსად გარდათქმული ვარიანტის ბეჭდვას, რომელიც მწერალმა ანზორ სიფრაშვილმა გარდასახა XII საუკუნეში გადმოქართულებული პროზაული ტექსტის მიხედვით. მკითხველი დაგვეთანხმება, რომ თხრობითი წინადადებების პირდაპირ ლექსად გარდაქმნა შეუძლებელია, რადგან პოეზიის კანონები (რიტმი, რითმა, დაბალი და მაღალი შაირი და სხვ.) დოდად განსხვავდება პროზაულისგან. აქედან გამომდინარე, „ვისრამიანის“ პოეტური ტექსტიც, რა თქმა უნდა, განსხვავდება პროზაულისგან და ბევრ გამოთქმას, აზრს, შედარებასა თუ სხვ., რაც ანზორ სიფრაშვილის მიერ გალექსილ ტექსტში გვხვდება, მკითხველი XII საუკუნეში თარგმნილ და 1964 წელს გამოცემულ რომანში ვერ იხილავს. შეიძლება ითქვას, ანზორ სიფრაშვილი „ვისრამიანის“ პროზაული ტექსტის მიხედვით ახალ, დიდ და მშვენიერ პოემას ქმნის, რომელიც წაკითხვისას მკითხველში დიდ სიამოვნებას აღძრავს. ამასთან სიამოვნებით დაფიქრებ, რომ ეს ახალი, დიდი და ლამაზი პოემა, რომელიც, ვიმედოვნებთ, ქართული ლიტერატურის მნიშვნელოვანი შენაძენი გახდება, პირველად ჩვენი გაზეთის გვერდებზე იბეჭდება.

წინა თავეების მოქალე შინაარსი: მას შემდეგ, რას შაჰმა მოაბადმა თავისი ცოლის, ვისის, ღალატი შეიტყო, მან იგი და მისი საყვარელი რამინი თავიდან მოიშორა, მაგრამ ვისის საყვარელი მაინც ვერ დაძლია და ისიც და რამინიც კვლავ სასახლეში დააბრუნა.



ვისრამიანი

რამინისაბან ვისის მოყვანა მარავს და მოაბადისგან გამხიარულება და მკვლელობა

სხდეს სამივე მხიარულად: რამინ, ვისი, მოაბადი, ვითარც სამნი მნათობნი და ვით ოქრონი თვითნაბადი, მათზე ითქმის ესე სიტყვა — მე ვარ და ჩემი ნაბადი, თავადაც ხომ ძვირფასნი და თან ძვირფასთა რამ საბადი.

შეუნდეს სამივე ერთმანეთს რაც შეცოდება ჰქონია, გულს ჯანგი ჩამოიხიცეს, თქვეს კარგად გასაგონია, სხდეს მხიარულნი, კმაყოფი, არცა რად დასაღონია, სამივემ ამო სიტყვანი ერთმანეთს გაურონია.

ჯდა შაჰინშა ტახტსა ზედა, ვისი უჯდა მას გვერდითა, მვენებითა ვითარცა მზე, სავესე გულთი და მკერდითა, ყოვლის ქალთა დასთა მჯობი — სხვაგვარად არ დავენდითა, მოაბადი მხიარული, ხალვათობით, მოფერდითა.

ხელთ ჰქონდა ვისსა ბროლისა ჭიქა, წვრილადა სმიდესა, ხან ტუჩსა მიაკარებდის, ხანდისხან დაისხმიდესა, მოაბად უხმო რამინსა, უმზადებს ტახტის კიდესა, რამეთუ რამინისაგან ჩანვის კერას მოისმიდესა.

რამინი იყო მეჩანგე დიდი და მეტად ცნობილი, ხშირად აიღის საკრავი, მიჯნურთ ფიქრთ მისანდობილი, მას ზედა შაირთ მღერებლად იყო ოსტატად ხმობილი, მისის ლხინითა ხარობდის მრავალი მისი ძმობილი.

ან რა ჩანგი ხელთ აიღის, მყის სარკმელნი გაიღიან, ვინმე რამეს თუ იტყოდის — სიტყვა უკუ წაიღიან, ლხინში ხელი უშემდეგათ, კერძი ვერ გადაიღიან, სიამოვნით ფრინველთაცა ერთობ სულნი დაიღიან.

იწყო რამინმა შაირთა სამიჯნუროთა თქმანია, ვისსა გულს მოხვდის, უხარის გულსა ჩამწვდომი ხმანია, პირი ვარდისებრ უყვავდის, დასთმო სასმლისა სმანია, მისგან თქმა იამებოდის, მღუმარებს მთელი ხანია,

მერმე თქვის: „— ნუ შეინირვებ, გულო, შენ დანყლულებულო, არ ქვა ხარ და არცა რკინა, გულო, ტანჯვითა ქებულო, ნუ ეძღურები მიჯნურსა, მისგან არ დავინყებულო, რა ვქნა თუ ტრფობით დამარცხდი არვისგან დამარცხებულო.

იხარებდე და ლხინობდე, ან ერთი წამი შენია, აილე ჭიქა ღვინითა, ის ხომ სუფრისა მშვენია, დააგდე ჭირი ყოველი, რისთვის არ მოგილხენია, ესე მბრუნავმა საწუთრომ ღამეს არჩია დღენია.

უნყოფე: ყოველი ჭირი მუდამ იცვლება ლხინითა, ეტლი თუ დღეს დაგამძიმებს, ხვალ ბედს მოგართმევს სინითა, შენდობას გთხოვს და სიკეთეს განვდის ვით ჭიქას ღვინითა, ერთხელაც მოვა შენი დღე, გაგახარებს გვირგვინითა.

გყოფს ყოვლის ჭირსგან აზატად, იქნები გულმხიარული, საწუთრომ რაც მოგარგუნა — ჭირი, ღია თუ ფარული, იგივე საწუთრო შეგიცვლის, გახდება ის მოყვარული, ოდენ სთქვა — ღმერთსა დიდება და ეშმაკსა კი არულო.

რა შაჰინშამ ღვინო შესვა, და მის ტვინსა მიეფერა, ცნობას ღვინო მოერია, ძარღვი წითლად შეეფერა,

რამინს მღერას კვლა შესთხოვდა, ვითარც ძმა და არ მეფე რა, მანაც ხაირი არ უტყხა, თხოვნა ძმისა შეეფერა:

„საროს შევხედე მავალსა, გავესაუბრე მთვარესა, წალკოტსა შეველ სავალსა, იათ და ვარდთა არესა, ვიცი ყოველი წარვალსა, ვინდა დარჩება გარესა, მხოლოდ ტრფობა არ ჩავალსა ამაოების მხარესა.

წალკოტს შიგან დათესილი დიდი სიყვარული ვნახე, ვარდი ვნახე მვენიერი, ეკლის ღობე გადავლახე, ზამთარ-ზაფხულ დაუჭნობი, არ უთქვია სიტყვა მკვახე, კაემნის გამაქარვებელი, მიჯნურთათვის იყო მახე,

შევავედრე მისად გულო, საკუთრად მის სიყვარულსა, საუკუნოდ მივცემ ჩემს თავს ტრფობას თუნდა მოპარულსა, დღე და ღამე მის ჭრეტაში ველტვი გრძნობას დაფარულსა, ამით იშვებს თვალი ჩემი, ამითა ვგრძნობ სიხარულსა.

კაცს შურის თვალი ვერას ვნებს იმდენს, რასაც ვნებს თავადა, ვინ ქვეყნად რისი ღირსია — იღებს კარგად თუ ავად, ავსა თუ სჩადის მასაცა საქმე ნაუვა შვადა, მე ტრფობით არად ვარგივარ არცა მგლად, არცა კრავად“.

შაჰინშას ესე სიმღერა ესიამოვნა, ეხარა, ვისისა ტრფობა სტანჯავდა, მართლად — არ იყო მკვეზარა, ან უფრო მეტად აენთო, მის წინა თავი ეხარა, მხოლოდ მასზედა ფიქრობდა, მისთვისა ვარდი ეხარა.

მოუნდა — ვისმა მოართვას ღვინო ოქროსა ფიალით, იქნებ მან ჭირი გაჰყაროს, აღარ იტანჯვოს ტრფიალით, ვისიმაც მყისვე მოართვა თვალთა ელვისებრ ციალით, მერე შეჰკადრა სიტყვანი სიცილითა და ტკრციალით:

„— ჰე, ხელმწიფეთა ხელმწიფე! ათასსა წელსამც მივოდე, ვითარ შენ გინდა, ყველასთვის ინათობდე, სხივობდე, მესნა ბრძანებათ ვმორჩილებთ, მეც აროდეს ვარმივობდე, ლომსა ლომობა გეკუთვნის, არწივი ხამს არწივობდე.

რაცა გნადია, რასაც იქმ — მთლად ღმერთისაგან სრულია, ჩვენთვის ესრეთ სმა ჰამოა, მტრისათვის დია მტრულია, გულითა გლოცავ, მეფეო, არა ვარ დაზაფრულია, ერთი თხოვნა მაქვს მცირედი, ინებე, ამისრულია:

თუ მიბრძანებ და იკადრებ — ძიძამაც გაიხაროსა, აქამდე დია უყვარდი, ან უფრო შეგიყვაროსა, უხმე და აქვე მოვიდეს, შეგვხედოს მზეს და მთვაროსა, მენზედ მოლოცელება, ერთგულმა გულს დარდი გადიყაროსა“.

მოაბადმაც ბრძანა, უხმეს, აღასრულეს მისი ნება, ძიძა იქვე დასვეს სკამზე, არ დაიწყეს დახანება, გვერდით დაუჯდა ვისიც ძიძას, ზის, თავი არ დაანება, ხოლო შაჰი მოაბადი რამინს ამას ეუბნება:

„— შენ მწდე იყავ და ღვინოსა სხმიდი და მოგვართმევდია, მით გული გამიხლისე, გადამიყარე სევიდა, ოდეს მოყვარე მოართმევს — ღვინო მაშინ დარდს ხევიდა, მეცა მეაბა მონედილი, მინდა რომ კვლა ვნახევდია“.

ხოლო რამინმა რა შესვა, ვერ მალავს გულში ნადებსა, გრძნობს რომ მის გულშიც ეს ღვინო ტრფობას უმეტეს ბადებსა, თვალს აღარ ჰკიდებს არცა მწვადს, არც პურს და არცა ქადებსა, ვისისა ღვინოს მიართმევს, ჩუმად ხელზე ხელს ადებსა:

„— ჰე, ულევი სიხარული, აჰა, ჩემგან ღვინოს სმიდი, მე მოგართვი ესე თასი, მისსა ძალას გამოსციდიდი, გამახარე სიხარულით, დე, სამუდმოდ მე მიცდიდი, მყისვე მომკლა, ოდეს თასსა შენი ბავით გამოეცლიდი.“

ვისმა მალულად შეჰღიმა, მას შეანათა თვალეები, უთხრა: „— ღმერთმანი, მართალ ხარ, სიტყვა სთქვი არნამთრეალები, ღმერთმან წურასდროს გაგხადოს ვით მთვარე ფერნამცხრალები, ნუ დაგილედეფს სიხარულს, არ გყავდეს განამწერალები.

რა სული გვგდა წურასოდეს მოვიკლებდეთ სიხარულსა, შენს თავს ჩემსას არას ვარჩევ თვით ჩემს სულსა ესდენ კრულსა, ჩემს სახელს ნუ დაივინებ წურც ცხადს, წურცა დაფარულსა, ცხადი ტრფობა რით სჯობია, მითხარ, ტრფობას მოპარულსა?

არ დაგივინყო ოდენსე, ჩემთვის ხარ ცისა ცვარია, მხიარულების მომტანი ამისთვის შეგიყვარია, მოაბადისა ქმნული კი ჩანს ღვთისგან ნამეხარია, რადგან საჩემო საქმისთვის მის გული მთლად დამწვარია“.

ყოველი ესე სრულიად მოაბად კი გაიგონა, მაგრამ ვითომ არ ასმია, აღარ სთქვა, არ მოიგონა, სრულად დანყნარდა, გულს შიგან არ ჩათქვა, არ ჩაიგონა, თქმას გაჩუმება არჩია, გონებას უხმო, იგონა.

ძიძასა ეგრე უბრძანა: „— ძიძაო, შენ მწდებოდიო,“ რამინსა უთხრა: „— ბევრი უბნობ, წელან ყველასა გვეჯობიო, როცა იმღერდი ჩანგზედა, სხვებს შორის შენ მხოლოდბიო, ან აიღებდე კვლა ჩანგსა, და კვლავაც გაგვართობდიო“.

ძიძამ მწდობა დაიწყო, ღვინოს ასხამდა სურითა, მოაბადი და რამინი, გულში ერთ-ერთის შურითა, ვისისთვის გახელეფულთა, მრავალჯერ თასს შესმურითა თავსალა ვერ იკავებენ, თანაც კვლა ღვინოც სწყურითა.

რამინმაც იწყო ჩანგზედა დაკვრა და ზედა მღერანი: „— რა მიჯნურობა მენვია — ვინწყე ჩანგისა ჟღერანი, საით წარვიდე არ ვიცი, სადაა ჩემი მერანი, თავს ვეღარ ვაღწევ ტრფობასა, გარს მადგას როგორც მტერანი.

მიჯნურობისა ტანჯვისგან ყვითლად შემქმნია პირია, ან ღვინო თულა მიშველის, ცრემლი მდის, გვენესი, ვტირია, გულისა ჯანგს ის თუ ამიყრის, აღარ მექნების ჭირია, ვარდისა ფერის ღვინო დღეს სულზედა უფრო მჭირია.

ვინც მხედავს — ვარ მხიარული, მტერსა ვგონივარ ჭკვიანი, იმან რა იცის ჩემს გულში აღარ მყვავიან იანი, ჩემს ხეაშიად ვინ გაიგებს, გზები რად შემხვდა ქვიანი, მეც არვის ვანდობ ჩემს დარდსა, რად დღენი არ მაქვს ზიანი.

ღვინითა მთრვალსა დღე და ღამ დამვიწყებია ნადები, ვერვინ შეიგნო ჩემს გულში დღემდე რა იყო ნადები, ერთი სატრფომა თუ იცის გულზე ხანჯალს რად ვადები, მისთვის ვარ გულდამწყვეტილი, მისთვისა დანაბადები.

ძალმიძს ლომს სული ავართვა, ვერ მომერევა შიშია, თავად კი მიჯნურობამა წარმიღო სულის ნიშია, ჰე, უღონოთა ღონეო ღმერთო, შენგან მაქვს ჯიშია, შენ ერთსა ძალგიძს მიმეწელო, მომცილდეს ტანჯვა-ვიშია.

შენ ძალგიძს ბნელი ღამისგან ნათელ დღის გამოყვანება, ჭირისგან ქმნა სიხარული, მართლად აქციო ზმანება, დარდისგან იხსნა ეს გული, სატრფოს გულისა მგვანება, მაშინ იხარებს რამინი, ვინ სულ შენ გეთაყვანება“.

ქვაცა ძალბების სიამით — რამინი იმდენს მღეროდა, თუ გვერდით მიჯნური ესვა, იმასა არც კი სჯეროდა, თუცა მალვიდა ტრფობასა, ვისისა არ მისჩეროდა, მაინცა აწნდა ტრფობანი, მას მეტად გადამტეროდა.

ცეცხლს შიგან მყოფი ინვოდეს — განა რა საოცარია, წვასაც რომ ვერა მალავდეს, ცრემლის სდიოდეს ღვარია, მთრვალსაცა მიჯნურობისგან ჩაუქრეს მცირე კვარია — არ არის ეს გასაკვირი, მხოლოდ მწარე კი არია.

გვერდით ეჯდა საყვარელი, საოცნებო, სანატრელი, მის სიყვარულს ვერ მალავდა, გულთან ჰქონდა დანა მჭრელი, გულამოსკვნით მომღერალი, სატრფოზედა შაირთ მიქმელი, სიყვარულს რომ ვერ მალავდა — განა იყო საკვირველი?

რა გუბე წყლითა აივსოს — გზას ჰპოებს იგი სადენსა, ეგრეთ რა ტრფობა დასჭარბდეს, ვერ მორჩეს ცრემლსა ნადენსა, ტრფობას გონება ვერ სჯაბნის, კარგ აზრს ვერ გამოადენსა, არც შეგონება არა სჭრის, ვერ აუსრულებს ნადენსა.

მოაბად ძლიერ დაითრო ღვინით და უფრო ვისითა, მას მზესთან ერთად საწოლად შევიდა, შეძლო თვისითა, რამინი გულდამწყვეტილი წართმეულ იმ წარცისითა, ისე აცრემლდა, რომ ქვაც კი ტიროდა ცოფით მისითა.

თავის გლახ სადგომს მივიდა, დაიწყო ბედის მღერება, ლიბი მყვარი ჰგონია, ავად რომ იცის ყურება, საბანი ეკლად ეჩვენა, არ უნდა მის დახურება, გველები, მორიელები, ჰგონია მას ეშურება.

სიმთრავალითა მოაბადმან ვის დაუწყო ყვედრებანი, „ცუდია იგ სიკეკლეცე, სწორი თუ არ აქვს მესხბანი, შენ ის ხე ხარ მვენიერი, ვისი გვსურს სულ ფერებანი, თუმც ნაყოფი მას მწარე აქვს, ვერ დაატკბობს შექებანი.

შაქარს გავს შენი ნათქვამი, ნახვა და ნაუბარია, თუმც რასაცა იქმ წალვლისა იგი არს დასაგვარია, ბევრი მინახავს მიჯნურნი უსირცხვილო რომ არია, მაგრამ კი არ შემხვედრია არავინ თქვენი დარია.

მიჯნურნი სხვას ვერ ხედავენ, ტოლიც რომ იყოს ხარისო, ერთუფრთის ტრფობით ბრმდებიან, აღარც ხმა ესმით თარისო, ჰგონიათ გვხედავს არავინ გარდა მზისა და მთვარისო, ეგრე ფიქრობენ ორივე — ჩვენს გვერდით არვინ არისო.

მიჯნურ დიაცს გინდაც ჰყავდეს ათასობით ვინმე კურო, მას ეტრფოდეს, სიტყვა უთხრას თუნდაც ჩუმი, საკურკურო, თავს აიღებს პატიოსნად, რომ ქება არ დათმურო, გაიძულეს ჩუმად იყო, კარიც უხმოდ გაიხურო.

თქვენ ორნივე მიჯნურნი ხართ, ვერა ხედავთ მოყვინებას, არა ჰფიქრობთ შემდგომ ჟამზე — ვის მოუტანს იგი ვნებას, მე ან გეტყვი ჩემსა სათქმელს, შენ ჰქმენ ისე, ვით გვენებას, დია, მინდა კარგი შენთვის, რო არ მოხვდე ქვეყნად სნებას.

ჰე, მთვარეო, ნუ მძაბუნობ, სიტყვას გეტყვი არ მრავალსა; მეტისმეტი შემართება კაცს ამსგავსებს ვინმე მთრვალსა, მტერად გახდის მოყვარესა, მთლად აურევს გზას და კვალსა, საუკუნო სახელი სჯობს ამ საწუთროს წარმაველსა.

რა ხელმწიფე ვირად იქმნას, ნო იქარებ ამხედრებას, რა ცეცხლი და რა ხელმწიფე, არ ისმენენ კაცთ ვედრებას, გინდაც პილოს ძალი გქონდეს, ცეცხლისთვის წინ დახვედრებას ნუ ინდომებ, რადგან ბედის ველარა იქმ დაყვედრებას.

ზღვის სინყნარეს ნუ ენდობი, ღელვას ვინ გადარჩენია, მეცა მრავალ მოთმინების კვლა გულში მაქვს წარჩენია, თვარა გული თუ გამიწერა იქნე სხვათა სარჩენია, ღალატი და ორგულობა ქვეყნად არვის შერჩენია.

ისეთ კედელს ნუ ააგებ — შენავ დაგეცეს თავზედა, მე შენი სიყვარულითა ავი მინახავს ავზედა, სიმწარე გადამხდენია, ვჯდომვარ უძირო ნავზედა, ჭირი მინახვან მრავალი, სიკვდილთან ვიყავ ზავზედა.

თუ არ გინდა რომ ზიანი რაიმე ნაგეკილოსა, უპატიობა ყელს მძივად ცუდად არ დაგეკიდოსა, ვირემდის ესრეთ შეკრული გყავდე, შენ იყო მშვიდოსა, ხმლით სიკვდილს რაზედ მანატრებ, გასურს სული ნაგეყმდოსა?

რა იქნება, რომ ერთხელაც, გამხსნა, დაღუნო ჯადონი, ჩემი მტერობა დააგდო, ამღერდე ვით იადონი, შემებრალო და შენავე ჩემდამი გქონდეს ნადონი, გიყვარდე, ჩემდა სიტყვანიც არ გქონდეს შენ უმადონი.

მზად ვარ შენ მოგცე მეფობა და ტახტი შემოგავედრო, ვფიცავ, არც გული დამწყდეს და რაიმეც არ დაგაყვედრო, ოღონდ კი ტრფობის ნათელი ჩემს თვალებს დაახვედრო, პურიც მეყოფა მცირედი, ვით მსახურს თუ შემახვედრო“.

ვისსა ამისა მოსმენით გული დაეწვა ბრალითა, მოაბად არა სტყუოდა, არც თქმიდა სიტყვით მწერალითა, ესოდენ დიდი ხელმწიფე ინვოდა ტრფობის ალითა, ისე მოსთქვამდა, ვითარც ყრმა, არას შემძლები ძალითა.

ეს სიბრალული სთმო ვისმა, არც შეიცოდა მცირედა, სულ სხვა პასუხი მოძებნა, არ იყო სიტყვის ძვირედა,



არ უთხრა, ან წუ იგლოვდა, თავსა წუ დაიმცირედა, ვინმეს ნუ ენახებოდა დაჩაგრულად და მწირედა.

მოახსენა: „– ჰე, მაღალო, ხელმწიფეო საპატიო, პატრონი ხარ ღვთისგან ქმნილი, გთხოვ, ეს სიტყვა მაპატიო, შენ ბრძენი ხარ, მჭერმეტყველი, მეცნიერი-დაპატიო, უწყი ყოვლი ბრძნული აზრი ერთ სიტყვაში ჩაატიო.

მე უთქვენოდ არად მიღირს სიცოცხლე და მზისა ცქერა, რაცა ბრძანე, მართლად ბრძანე, ყოველივე მესმა, მჯერა, წუ გამაკიდევანებდეს შენგან ჩემი ბედისწერა, შენი ცქერა მეამბის, გულმაც შენზე კვლა იძლერა.

ვფიცავარ რომ სხვისი შეყრა ჩემზე დიდი ჰარამია, სული შენთა ფეხთ მიგია, უშენოდ დღე წკვარამია, შენსა ფეხთა მტვერსა ვარჩევ რამისა, იგ არ ბარამია წულარ ეჭვობ, ჩემთვის ისი, აწი, მხოლოდ ვარამია.

ცოცხალს ველარ მომალორებს, ვერას მიზამს მისი ნება, ის რაც მოხდა – მინანია, იმგვარი კვლავ არ იქნება, ღმერთმა შენებრ მზე მომცა და შთამავონა ესე მცნება, აწ სინათლე სანთელისა რაღად მინდა, რად მეთნევა?

შენ ზღვა ხარ უკიდევანო, სხვა ხელმწიფენი რუნია, სიმართლე მხოლოდ ერთია, ის შენ ხარ – სხვანი ცრუნია, შენ მნათობი ხარ, სხვა – მთვარე, დღისთვის რომ არ უზრუნია, შენ სულ ღმერთის ხმა ჩაგემის, სხვანი იმ ხმისთვის ყრუნია.

შენ სიყვარული რაიც გაქვს – ჩემის სულისა სწორია, შენი თმის ბენეი და ჩემი თვალი ერთი – არ ორია, რაცა ადრე ვქმენ – ვინანი, ეშმამა მომალორია, აწ ჩემგან ნახავ კეთილსა, ახლოს ვიყო თუ შორია“.

შაჰსა ვისის ესე სიტყვა გაუკვირდა, გაუოცდა, ადრე ესე არ სმოიდა, აწ ეამა, ლამის კოცდა, გულს იმედი შთაენერგა, გაუათდა, გაუოცდა, დია ჰამოდ დაიძინა, თვალსა ძილი აუცოცდა.

მაგრა ვისს არ დაედინა, ორთავეს შეიჭირვებდა, ხან რამისს მოიგონებდა, უმისოდ თავს იკვირებდა, აქეთ მოაბადს იცოდდა, მის ყოფას გაიჭირვებდა, თუცა სწამს მხოლოდ რამინი, სხვას ყველას მას შესწირვებდა,

ზედალმა ფერხის ხმა ესმა – ეს რამინ იყო ბანზედა, გული სტიკოდა ტრფობისგან, თუმცა კი იყო ჯანზედა, ამოხდა ღამის სიბნელით, ცრემლოდა ხანდახანზედა, დარდობდა ცაში მთვარეზე ვითარც ვისისა მგვანზედა,

რამეთუ წვიმდა, ღრუბლებით ის ღამე იყო სრულია, წვიმდა, ჰაერი ტიროდა, იტყოდი აღსასრულია, მიწა წვიმისა წვეთებით მთლად იყო დაკანრულია, ვერას ხედავდნენ თვალები სინათლის დანატრულია.

დამალულ იყო ცად მთვარე, ჰაერს ტკივილი ესოდა, რამინი ვისს ვერ ხედავდა, ამაღ ტიროდა, კვნესოდა, თუცა იმედს არ ინეყებდა – კვლა რომ ნახავ იმა მზესო და იქავე იჯდა ლოდინით, თავსა რომ დაუნესოდა.

იმედით – ვისსა ვნახავო, თოვლი მოაწნდა ქაფურად, სიბნელე ნათლად ევონა, შორს მგლის ხმა – ახლო დაფურად, ბანსა სახავდა სამოთხედ, წვიმას – სურნელის ქაფურად, ალხენდა სატრფოს იქ ყოფნა, თავს მიიჩნევდა მაფურად.

რა სიახლოვეს გზა იყო ქვიშიან-ლაშიანია, იმას საყვარლის უპედა ჰგონებდა ღამიანია, საყვარლის უპე ფოცხვრისას ემსავგას ისი ხანია, აივსო მოლოდინითა, სწამს რომ არ დაუხანია.

ჰამოა ის მიჯნურობა, როს გამჟღავნების გეშინის! არ გინდა გამოგიცხადდეს, სურვილი გაქვს სულ მზე შინის, სხვად არა დარდი არა გაქვს, თუნდაც ვით წვიმის თქეშინის, სიცხისა ალი თავს გედგას, აწ სეტყვა თუნდ დაგემინის.

ოღონდ გულები მიჯნურებს ჰქონდეთ სრული და ულვეი, მათი ტრფობა წუ იქნება დიდი ხნის ნამარხულვეი, არა თქვან ერთმანეთზედა: იყო ჩემ ნაერთგულვეი, აწ დაუთმივარ, გაემზადარვარ მე მისგან შენაძულვეი.

რამინი შიშსა შეეყვრო, არა თავისად – ვისადა, არა ევნოსო, ფიქრობდა, გული გაუხდა ზღვისადა, თავის თავს აღარ სწყალობდა, შიში გაუწნდა ძმისადა, ვისს არა შეამთხვოსო – ეს ფიქრი გაითვისადა.

ბანზედ იჯდა, არ უკვირდა სიცივე და თოვლი, ყინვა, რადგან გულსა ცეცხლი ჰქონდა, ქარს ესმოდა მისი გმინვა, თვითო ცვარი დიჯლად უჩანს, ნიაჟია დევის ქმინვა, სმენა დაბლით მიემართა, თითქოს ესმა შაჰის ხერინვა.

მის ცეცხლსა ვერვინ დაშრეტდა, ვერცა მდინარე ჯვონი, ცრემლი ნარღვნადა დასდენდა, ვით ნოეს ის ნარღვნეონი, თოვლი წვიმადა ფერს იცვლის, ვით კანსა ქამელეონი, რამინს, გულდაუთმოხელსა მთლად დალეოდა დლეონი.



ნება-ნებასა კენესოდა რამინი ღვიძლდამწვარია, მოსთქვამდა: „– ჰე, მოყვარეო, რაზედ არა ვარ მკვდარია, წუთუ ხარობ რომ შენ მიგინთ, მე კი თოვს ქვეშე ვარია, შენ გვარავს გვე ყარყუმბი, მე მეყინება მხარია“.

შენ გძინავს ნებიერადა, მე მუხლამდი ვარ ლამშია, შენ გვერდით უწევ საყვარელს, საქმე მოჰყავი დამშია, ნებიერობით ქვე გძინავს, რაცა გსურს – იქმი წამშია, იმას აღარა დაქებ მე რომ მწყურია და მშაია.

შენი მიჯნური რომ ტირის, რომ დაჰლმუიან ქარები, ფიფქები მხრებს რომ უმკობენ ვით შენ გმკობს ყალამქარები. შენ ძილი თავს დაგტრიალებს, სიზმრებში მიეჩქარები, მე კი ჭირი მკლავს მრავალი, ბევრები და უშქარები.

ჰეი, ქარო, განძლიერდი, ეს ქვეყანა დააქციე, მარავს ვინმე შეგეყაროს – განურისხდი, გააქციე, რა წამოხტეს იგ ძმა ჩემი – ხერხი უყავ, ნააქციე, ვისის სანოლს თუ კი შეძრავ – პირით ჩემსკენ მოაქციე,

იქნება ძილი დათმოს და როგორმე შემიწყალოსა, თორემ ავდგები, ჩემს თავზე ერთ დღეს გავლენამ კალოსა, დავთმობ ყოველსა დიდებას, ნავალ, ჩავიცვამ ჯვალსა, იქნებ ისმინოს ეს კვნესა და მეტად არ მანვლოსა,

მარტო ვზი და თოვლში ვზრები, თავსა წვიმა დამდის ღვარად, მესისხლეთაც ეგზრალეები, მხოლოდ ვისის ყყავარ მწარად, რა შეიტყობს იგ მასკვლავი, წუთუ არას მომცემს ფარად? არ ატირდის? მყისვე ჩემსკენ თუკი იფრენს ქარდა-ქარად?“

ვისისა ესმა ფეხის ხმა, მიხვდა რამინი არისო, უმისოდ ყოფნა – ფიქრობდა – რა ექნა, ჩემთვის არ კმარისო, ღონეს ეძებდა შეხედრის, მიჯნურს ვით მიხმარისო, ველარ დაეთმო რამინი, რა ექნა, ის უყვარისო.

ძიძა აგზავნა ბანზედა – რამინს რა სურდა – გაეგო, ვიდრე ის დაბრუნდებოდა, ლამის ხანჯალზე დაეგო, მზად იყო თავშენიერვისთვის ხმალი ქარქაშს არ ჩაეგო, რამინის სიყვარულთა ცაში კოშკები აეგო.

ბანთგან ძიძა ჩამოვიდა რამინისა შეთვლილობით, „– მთვარე, წუთუ დამიგინე, ვინ ესახე მე მზის ცილობით, წინათ ღვარე სისხლი ჩემი, ახლა მისერ გულს ჭრილობით, რად გამწირე მე, ვინაცა შენ გიგონებს სულ ტკბილობით?

მე ხომ ვარ შენი მიჯნური, თუ ჩემზე გული დალიე? მაშინ გამისენ ძარღვი და ჰა, ჩემი სისხლი დალიე, თუ კვლავ გახსოვარ – მო, მნახე, ჩვენს შორის გზანი დალიე, მაგ შენი უგულობითა ეს გული მთლად გადალიე.

შენის სურვილით ვიჭირვი ზედა თოვლთა და ყინვათა, შენ სტავრათ შიგან ნებივრობ, არ ისმენ ჩემთა გმინვათა, მე ვერასოდეს ვერ დავთმობ შენის ლოყების ბზინვათა, შენ კი მე აღარ გახსოვარ, ნაბიჯნი გიგავს გლინვათა.

მესმოდა შენი კისკისი – ბედნიერების სიცილი, მთლად დაგვიწყნია პირობა, მაშინ ნათქვამი ფიცილი, მე, დაე, შევიჭირვოდე, დარდს ვიცი ვერ მოვიცილი, გვინვე ვერ ვხვდები შენ ღალატს? აგრეა, არ გნამი ცილი.

დე, ღმერთმა ესრეთ ინებოს – იყო სულ მოსვენებაში, მე რომცა გავიჭირვოდე – ვიქნები კვლა შენს ქებაში, ღმერთმა შენ ღმირი გიბოძა, მე კი ჩამაგდო სნებაში, ხომ კარგად იფერ მაგ ღმირსა, თუნდაც ჩემს დავიწყებაში?

მე კვლავ უღბნოდ ვიარი, რისი ღირსიც ვარ – იგია, იმდენსა დარდსა ვემონე – თავი ვერ გამომიგია, შენ იყავ უჭირვებელი, შენდა თავი წამიგია, მმრთებს სულ შენ გემსახურო, ესაა ჩემი რიგია.

შეჭირვებანი ჩემთვის ხამს, არ შენთვის, მით რომ ნაზი ხარ, შენ ჭირსა ვერას გაუძლებ, შენ ხომ ჩანგი ხარ, საზი ხარ, ღმერთის ხელით და მის ყალმით ღამაზად მონახაზი ხარ, არ უწყი ვითარ უყვარხარ რამინს, ზედ თვალსა აზიხარ.

არ უწყი ვითარ საბრალო ვარ მე დღეთა და ღამეთა, მე, შენი მომგონებელი, მნახველი შენს სიამეთა, ამა სიცივის გამძლები, როს ჟამი მეყიამეთა, გულდანწყლულეულს, უძილოს, ნაგემს აძდენის შხამეთა.

რად არ გინდა რომ დამისხნა თოვლისგან, სიცივისაგან, შეცოდებანი არა გაქვს, წუთუ შექმნილხარ ქვისაგან? თუცა ყინვასა ვავდივარ – ვინვები მე ცეცხლისაგან, შენთა უბეთა გამათბე, წუ მწირავ სიცოცხლისაგან.

დამანახე პირი შენი, ეგე ჩემი სულთამდგმელი, ღმობიერად გამოხვდე, გულს ჩავიკრა – მომეც ხელი, ჩემს ყელზედა მომახვიე ეგე შენი თმა-სულნელი, ჩემი გული შენს ძებნაში დაიკარგა, აღარ ველი.

შენმა სიშორემ წინ ორმო მე გამითხარა ვეება, ბედმა, რომელიც ოდესღაც შენთვის ღმოსაც კი შეება, დე, იმ ორმოსა ჩამაგდოს, შენს გულს თუ მიემზებება, მზადა ვარ სიმარტოვისგან კვლა ვნახო გამავდლება.

მიმატოვე და გამწირე, თითქოს არასდროს გენახო, თითქოს მე შენი მიჯნური შენს ხსოვნას არ შევენახო, რადა მკლავ უიმედობით, შენ ჩემო ბალო, ვენახო, სხვა გზა არა მაქვს, აწ უნდა მოგშორდე, არ დაგენახო.

სიშორისა ღრინაკალსა წუ მკრავ გულსა შენგან კრულსა, უიმედოდ წუ დამტოვებ შენს მონასა ხელგაქრულსა, თმობის ღონეს სრულად დავთმობ, შავის ბედით გადაქრულსა, აწ ზღვაშიდა თავს დავიხრჩობ, ჩავვარდები აწ უფსკრულსა.

მეტი რალა მოგახსენო, ტუსალი ვარ შენი, ტყვე ვარ, აღარ მახსოვს ახლა ვინ ვარ, ბალახი ვარ, ხე ვარ, ტყე ვარ, შენზე მუდამ მსასოები ერთი ვინმე სატრფო გყევარ, მზედ მინათებ, თუმცა მაინც უკუნ სიბნელეს შეგეყვარ“.

პოეტურად გარდაქმნა ანზორ სიფრაშვილმა (გაგრძელება იქნება)

სამეფო სახლის რეკრუზიის გადასახლება რუსეთში

◀დასაწყისი გვ. 1

წერილების დედოფლისათვის გადაცემა არ დას-
ცალდა. ისინი რუსებს ჩაუყვარდათ ხელში. ალექ-
სანდრე და თეიმურაზ ბატონიშვილების წერი-
ლების ნაკითხვის შემდეგ ციციანოვმა დარეჯან
დედოფლის რუსეთში დაუყონებლივ გადასახლე-
ბა გადაწყვიტა. 1803 წლის 10 სექტემბერს საქარ-
თველოს მთავარსარდალმა დარეჯან დედოფალს
აცნობა, რომ 15 სექტემბრისათვის მდინარე თერ-
გზე ხიდები აღდგენილი იქნებოდა. ციციანოვი
დედოფალს სთხოვდა რუსეთში გამგზავრების
კონკრეტული თარიღი დაესახელებინა. მოგვი-
ანებით, 1803 წლის 5 ოქტომბერს, ციციანოვი
რუსეთის იმპერიის შინაგან საქმეთა მინისტრ
ვიქტორ კოჩუბეის წერდა: „ასეთი სიმკაცრე ჩემ-
თვისაც და მისთვისაც (დარეჯან დედოფლისათ-
ვის – ვ. გ.) უსაძიოვნოა, მაგრამ აუცილებელია“. 1803 წლის 11 სექტემბერს დარეჯან დედოფალი
ციციანოვს მუხრანიდან წერდა, რომ ავად იყო და

სანოლიდან ადგომა არ შეეძლო. მალე საქარ-
თველოს მთავარსარდალს შეატყობინეს, რომ დე-
დოფალი რუსეთში გამგზავრებაზე არც კი ფიქ-
რობდა. ამ ცნობის მიღების შემდეგ, 1803 წლის
16 ოქტომბერს, პაველ ციციანოვმა გენერალ-
მაიორ დიმიტრი ორბელიანს უბრძანა, მუხრანში
ჩასულიყო და დედოფალი ძალის გამოყენებით
გაემგზავრებინა რუსეთში. დიმიტრი ორბელიანი
შეშობდა, რომ დარეჯან დედოფლის შილიშიე-
ლები მუხრანბატონის სასახლიდან დედოფლის
გამოყვანას არ დაანებებდნენ და წინააღმდეგო-
ბას გაუწევდნენ. ამიტომ იყო, რომ თბილისიდან
მუხრანში გაიგზავნა ეგერთა მე-17 პოლკის ორი
ასეული, რომელსაც მუხრანბატონთა ციხე-კოშ-
კისა და სასახლისათვის ალყა უნდა შემოერტ-
ყა. სასახლის ეზოში პირველი შევიდნენ ეგერთა
და დრაგუნთა პოლკების უმცროსი ოფიცრები,
უფროსი ოფიცრის მეთაურობით. ოფიცრები
დარწმუნდნენ, რომ სასახლეში შეიარაღებული
ხალხი არ იმყოფებოდა. დიმიტრი ორბელიანი



დედოფალს ეახლა და ურჩია წინააღმდეგობა
არ გაენია. გენერლისა და ეგერთა ორი ასეულის
მუხრანში ჩასვლამ დედოფალი დაარწმუნა, რომ
ბრძოლას აზრი აღარ ჰქონდა. 1803 წლის 25 ოქ-
ტომბერს დარეჯან დედოფალი რუსეთში გაემგ-
ზავრა. 1803 წლის 3 ნოემბერს პაველ ციციანოვი
რუსეთის იმპერატორს მოახსენებდა, რომ დარე-
ჯან დედოფლის რუსეთში გამგზავრების შემდეგ
კიდევ რამდენიმე თავადი იმერეთში იულონ და
ფარნავაზ ბატონიშვილებთან გაიქცა. ციციანოვი
ვარაუდობდა, რომ გაქცეულ თავადებს მიმდევ-
რები გამოუჩნდებოდნენ. საქართველოს მთავარ-
სარდალი იმპერატორს სთხოვდა, ამ თავადები-
სათვის მამულების ჩამორთმევის უფლება მიეცა.
იულონ ერეკლეს ძისა და ფარნავაზ ერეკლეს
ძის გადასახლება რუსეთში.

ქუთაისში მყოფი იულონ და ფარნავაზ ბატო-
ნიშვილები 1804 წლის გაზაფხულზე მთიულეთსა
და ხევში მიმდინარე მოვლენებს ყურადღებით

გაგრძელება გვ. 8 ▶

ოთხმოცდაათი წელი გასულა ტერენტი გრანელის კოსმიურ სივრცეში მუდმივ ბინადრად გადასვლისა (სხელი დედამიწაზე არ დათმო). ამ ღრმად სევდიან თარიღს ალაღად ვამუშავებ და გამორჩეული გენიალური მგოსნის, გარემო-თანამედროვეთაგან ტანჯვა-წამებულ იდუმალ სულიერ განძეულს ვამხელ მხოლოდ მართალი წარმოსახვით და სიბრძნისეულად – ჩემეულ ნააზრევს.

რიგით მერამდენე მოთხრობა, ტერენტი გრანელისადმი მიძღვნილი, გულდათუთქული მიახლოებაა მგოსნის ტრაგიკულ ბუნებასთან, რასაც დაერქმევა „მინიერი გაუცხოება – მსხვერპლი და დაბადება“ ჩემეული მართალი წინასიტყვაობაა მოთხრობისა, რომ რამდენიმე წელია ამ თემაზე ვმუშაობ: მწარე და მიმევა სამყარო და სიცოცხლე. უკიდურესად რთული იყო ტერენტი გრანელის შემოქმედებითი მოღვაწეობა. ამ ნაწარმოებში მძაფრადაა გაშლილი ის ურთულესი სულიერი ფორმის შინაგანი უხილავი სურათები, რომლებიც ალტყინებულ-მგოსნურად გაიარა პლანეტარიუმის ცოცხალმა საკვირველმა მოვლენამ.

ის შინაგანი დრამა და ტრაგედია, რომელსაც უმძიმეს მდგომარეობაში ატარებდა გრანელი, ძალიან ბევრისათვის გაურკვეველი იყო, რომ არა, ასე ველურად არ განირაგებენ ღრმად მორწმუნე მგოსანს და სულიერად წმიდანს...

გრანელი რომელიც კეთილისმყოფელი ციური მანათობლის სახით განკაცებული ჩამორბანდა დედამიწაზე, იტანჯა, ინვალა, იმოღვანა, იყო სამაგალითო მართლმადიდებელი, მინიერ-ზეციურად იაზროვნა და

ყველასგან განსხვავებული მგოსანი გრანელი კი უხილავში პოულობდა ხილულზე უახლოესს, დიდი ნიჭი ჰქონდა კოსმოსუ-

ბით დაკანონებული ცვლილებათა მიმდევრობითი გადასვლები ნათელ სახედ ვლინდებოდა უსასრულობის წესთა უმკაცრესი



ათასწლეულების წინანდელი სამარხები ჩვენთვის უფრო და უფრო მიუწვდომლობაში არსებობენ. მაგალითისთვის – დიდი აიეტ მეფის, მისი შვილის მედეას, ფარნავაზ მეფისა და მათ თანამედროვეთა. ჩვენს დროშიც უთუოდ ყველას თვალწინ პირველი კოლხი მგოსნის ან ასტრონომის საფლავის მტვერსაც ქარი ერთი ადგილიდან მეორე ადგილას გადაჰყრის ხოლმე. უძრავად გასუსული შემდგომ მოძრავ, ანუ მოხეტიალე მარადიულ ჰაეროვან საფლავად გარდაქმნილი. ამდაგვარი სამყაროსა და დედამიწის უხილავობათა შეუფასო ურთულესი დინამიკა.

როგორც ზეცაში სულთა სიუხვის უსასრულობაა, ასევეა დედამიწაზე საფლავთა აურაცხელობა, რომლებიც შემოდგომის ფოთლებივით კვებავენ მინას...

ყოველი საფლავი ურთულეს-ინდივიდუალურს და სამყაროსეულ ბნელეთის შინაარსს გადმოსცემს, მხოლოდ შინაგან ფარულს და ღვთიურ ნიჭ-ბუნებას შეუძლია მისი ნაკითხვა. ტერენტი გრანელი, დიდი მგოსანი და მოა – ფორმალისტი მხატვარი ამ სახის ფუნქციით და უცხო ნიჭით სტუმრობდა ნებისმიერ სამარხს. განმარტებული საფლავებიდან კი ამოდიოდა ცისფერი დუმილი და შორეული აზრები, მარადიულობის უხილავი ხედვით...

გრანელი ნოსტრადამუსივით კითხულობდა საფლავთა კოსმიურ საიდუმლოებას და ასე შორეულში მგზავრობდა.

გრანელის უცხო გენია გასცდა მანამდე ტრადიციულ მსოფლიო გენიათა სახე-სიათს და დამოუკიდებლად, თავგანწირვის ფასად გაიჭრა პლანეტარიუმის მოკაშკაშე სივრცისაკენ. საკვირველება, მისდათავად მოსვლა პიროვნების – ნიჭის გამდიდრე-

მსხვერპლი და დაშადეზა

(ქალვანა ტერენტი გრანელს)

იოცნება, შეთხზა შეუდარებელი პოეტური და პროზაული შედევრები.

ვერა და ვერ შეეგუა დედამიწას და გაბოროტებულ დედამიწელებს, მხოლოდ ტკებოდა საერთო სილამაზით და მშვენიერებით, რომელთაც კანტიკუნტად ეხებოდა. დადიოდა მარტოხელად უცხოპლანეტელივით და სრულიად გაუცხოებული წავიდა ჩვენგან, თავისი ძალიან მოკლე შემოქმედებით დროში თანამედროვეთათვის პატიოსანი, მაგრამ უცხო წეს-ზნეობით იცხოვრა. წარმოუდგენელი იყო მისთვის ღალატი, სიძულვილი, უღმრთობა; სამშობლო კი მგოსნისთვის უღამაზესი, მარად მანათობელი პლანეტა იყო ზეციური ღირსებით. ვერ იგუა ორგულობა და ის ზედმეტად წმიდა იყო დედამიწელებთან, თავის თანამედროვეებთან შედარებით, ამიტომაც უკვირდათ მისი და სძულდათ კიდევაც, მათთვის უცხო სხეული იყო გონებით, ნიჭით, შემართებით და მიუკარება უცნაურობებით.

გარემოსაგან ილევობდა ხშირად...

მთელი არსებით პოეტი რატომაც ყველაზე უფრო კოსმოსურ უხილავ ხაზებს, განწყობილებებს და ზეციურ მისტიკურ ელემენტებს გრძნობდა საფლავებთან ურთიერთობით, მათთან სულიერი გავლით პლანეტარიუმს პოეტურად აღიქვამდა და იქ ეძებდა, აკვირდებოდა მარად ჩაუქრობელ იდუმალელებს. მართლაცაღა ღრმად მგლოვიარე ჭირისუფლებს არამინიერი იერ-სახე აქვთ, ისინი ძალაუნებურად გრანელის არ იყოს, ინტუიციურად მიიზიდებიან გარე სამყაროსაკენ. მიზიდულობის წყარო მათი გარდაცვლილებაა. გრანელი კი ამ ჩვენგან ძალიან შორეულ განწყობილებებს დიდი მეცნიერის, აინშტაინის და მხატვარ-აბსტრაქციონისტის, კანდინსკის დონეზე აღიქვამდა და რა ნიჭიც არგუნა უფალმა, იმ ნიჭითვე ჭეშმარიტად გამოხატავდა ყოველივეს. პოეზია იყო მისი უდიდესი კალენდოსკოპი – ვარსკვლავი. ტერენტი გრანელი მეცნიერად რომ მოვლენოდა დედამიწას, უთუოდ ოკეანეში ჩაძირულ ატლანტიდელებზე არანაკლებ ასტრონომიულ გამოკვლევებს დაწერდა. იმ სასწაული ცივილიზაციის დარად, უნიკალური სამოცდაათასამდე წიგნი ფანატიკოსმა ბერებმა ალექსანდრიის ბიბლიოთეკის ხანძარს რომ შთაანთქმევინეს.

ეს უკვე ადამიანზე, დედამიწაზე და უფალზე, შეუგნებელთაგან ჯვარცმის დონეზე უსასტიკესი ჭრილობის მიყენება იყო...


რი საოცრებების შეგრძნება-დანახვის...

– საფლავები! მართლაც ძალიან განყენებული და შორეულია ჩვენგან, ამიტომაცაა დედამიწა უცნაური ჩაუნდომლობა, ის ხომ მილიონობით წლიდან მოყოლებული დიდი სასაფლაოა, სიცოცხლის და გარდაცვალების კოსმიური ურთიერთობაა, რაშიც მიუწვდომელი იდუმალეობებია ჩანსული. ორი უკიდურესად განყენებულობა დედამიწაზე სიცოცხლე-გარდაცვალება და მათ შუა დუმალ-საფლავი. ამ უსასრულო დრო-ჟამში დედამიწა – ჩვენი პლანეტა გარდაცვლილთა გამანოყიერებელ ფერფლადაა ქცეული – დაფარული, როგორც მინის ქერქი, ასევე ზღვათა და ოკეანეთა ფსკერით...

მარტოობისა და უიმედობის სევდაში ჩაფლული გრანელი ტყუპთა მშობიარე ქალივით იტანჯებოდა, მაგრამ სამყაროსეული სიახლოვე თავმეკავებას და გამძლეობას მატებდა, რადგან იბადებოდა სრულიად უცხო რალაც საოცრება, ზეციური საუფლო თუ? ნებისმიერ ცოცხალთათვის მიუწვდომელი. სამწუხაროდ, მგოსანი მაინც მსხვერპლი იყო და მინიერ განუმეორებელ სიცოცხლეს ეთხოვებოდა, უთუოდ ბევრად უკეთეს – მრავალფორმიან ვარსკვლავეთურ სივრცეში მიეგზავრებოდა, მაგრამ არამინიერი მშობიარობა და შორეულში გადასვლა უმძიმესია, უცნაურია და ამოუხსნელია თურმე. ადამიანთა უმეტესობა ბუნდოვანი მორჩილებით თანდაყოლილია ამ აღუნერელ პროცესთან. დიდი ხელოვანი თუ გენიოსები ყოველ უმცირეს ნიუანსებს, მოვლენებს ღრმად განიცდიან და სხეულის ან სულიერი უკიდურესი გაცემით ტრაგიკულად ეთხოვებიან ჩვენი პლანეტის უმთავრესს, ხოლო მშობლიურ მინას, თავ-თავიანთ სხეულს უტოვებენ უზენაესთან აუცილებელი ხარკის გაღებით.

უკვე მოსულიყო ჟამი გრანელთან, უმაღლესი სინძინდის, უმძიმესი, უკეთილშობილესი, უდრეკი – ვაჟკაცურის, უსაზღვრო შემოქმედის და ეპოქისაგან უკიდურესად განწირულის საბოლოო ზეკანონებთან ანგარიშგებისა.

ტერენტის თანამგრძნობი და მზრუნველი უახლოესი და, ზოზია, წმიდანით მწარედ მარტვილობდა და ვერ უძლებდა უმძიმეს მოვლენებს. ქალბატონ ზოზიას თვალწინ ვარსკვლავეთიდან მარადიულო-



ფონით, მუქი ლურჯი ფერების ნისლით და ანიოკებული – უნაზესი სულით. მაინც კაცთა მოდგმის პირველადი ველური სული მბრძანებლობდა ყველაფერს და ურთულესი პროცესი მათემატიკური სიზუსტით სრულდებოდა. მგოსნის მიმართ გაბოროტებულ გარემოს ამ მოვლენებთან შეღწევა არ შეეძლო, მხოლოდ სიკეთისმყოფელი ადამიანები განიცდიდნენ კანტიკუნტად...

ამქვეყნიური, მეოთხე თუ მეხუთე შავი ფორმა სიკვდილი – უხილავი, მაგრამ ის ხომ ნებისმიერ ხილულზე უმძიმესი ტკივილიმძენებელია. უბოროტესი გზით მოგზავნილი ბნელის მოსვლა უფრო და უფრო უახლოვდებოდა ტერენტი გრანელს და ახალი სამყაროსეული ურთულესი ფორმითი მისტიკური პროცესი მშობიარობდა.

მრავალმხრივი იდუმალეობით შემოსილი ნაცრისფერებით დაბინდული საფლავი კი ათ მცნებასავით გრანელის წინ გადაშლილიყო. არავინ იცის ან ვინ უნდა ჩანდეს ნებისმიერი საფლავის ზეციური საიდუმლოდ შემოსილ უმთავრეს მცნებას: შესაძლოა ჩვენი უახლოესი გალაქტიკის უხილავი ძაფებით ურთიერკავშირის იყოს დედამიწის სხეულზე განთავსებულ საკვირველება საფლავებთან.

ბა და გარდაქმნა. ვარსკვლავეთთან დაქვემდებარებით გამოწვევა იყო ზეციური და შენირვა. მას არ ჰქონდა უფლება დიდი მთლიანობის იდეა-ინტელექტიდან გამომდინარე გამძვინვარებულ დიქტატორსაც დამორჩილებოდა ან საქვეყნოდ აღიარებულ პარტიულ პოეტებს, ის პლანეტების წეს-თვისებით მარადიულად სიმართლეს განმარტოვდა, რაც სრული მსხვერპლშეწირვაა. ამდაგვარ უერთგულეს ზვარაკს ვერცერთი ძალა და ავტორიტეტი ვერ გამოიყვანდა უჩვეულო არეალიდან. პოეტი აქ ნამებული იყო, უმაღლესის მეზობლებით და მინიერი უბედურებით... ხოლო სამყაროს უხილავობის სივრცეში შემგრძნობ-უბედნიერესი, ის სრული ცოცხალი, სულიერი, გონიერი და გულითადი ნაწილი იყო მთავარეული სიმორის დიდ იდუმალეობაში შემავალი.

აი, გრანელი ნაღდი ფსიქოლოგიური ფორმა იყო დიდი მოაზროვნის ხატისა „ადამიანი არის ჩამოვარდნილი ღმერთი, რომელსაც ახსოვს ზეცა“ (ლაროშფუკო).

უთუოდ, უშორესიდან დროებითი შემოწირულობა იყო დედამიწაზე, რითაც კოსმოსური ურთულესი განცდები აფორიაქებდა...


ქალბატონ ზოზიას მოეჩვენა, რომ უმონყალოდ განდევნილი ტერენტი შუბლსისხლიანი, დაღარული და სანთლისფერი სახით ცისკენ მიფრინავდა, საფლავებიდან კი შავი ფერის ჩონჩხები ამოიყარნენ და გაძევებულს კბილების ხრჭალით და ხელის მტვენების ჩხაკუნით აცილებდნენ.

მერმე უფლის სიკეთის ეკლესია გალურჯდა, სასაფლაოს ირგვლივ კი უცნაურნი წრეს უვლიდნენ და სამიწელი უცხო ხმაური მოდიოდა მათგან.

შემდგომ თეთრი მხსნელი ანგელოზი ოქროს ჯვრით სიახლოვეს გამოჩნდა და უმაღ მოჩვენებები გაქრნენ. მერმე ირგვლივ იისფერი ნისლი ჩამოწვა, მას ბინდი მოჰყვა სამიწელი. სუნთქვაშეკრულ ზოზიას გული წაუვიდა და უღონოდ ჩაიკეცა. ვილაკამ, წყალოი, იკივლა და იქაურობა მწარედ შეიძრა. ზოზიას თავზე ბნელი სივრცე, ალღევებული მღვდელი და დიდი ჯვარი ადგა... ტერენტი ადამიანთა ძვლების ნაკრები და ანგელოზი მათ სიახლოვეს არ ჩანდა, მიცვალებულის ფერშეპარულ



 ზოზიას მოძღვრის ლოცვის და ხალხის ნერვიული ფუსფუსი ჩაესმოდა და თან მიკნაგებული ხმით ერთსა და იმავე სიტყვებს იმეორებდა: – ძმა! – საცოდავი! – დავკარგე!..



მოციქულივით გარინდულ და გაოგნებულ ეკლესიას უკვირდა, ამ ცოდვილიან მიწაზე რომ იდგა...

სამყაროსეული მრავალთვისებიანი ძალები ადამიანზე ხშირად მოქმედებენ დამანგრეველად. იმავე ზომით ღრმად დადებითი ალმშენებლადაც. ამჟამად უარყოფითისაკენ მიექანებოდა მინიერთაგან გრანელის დასუსტებული სული და საფშვინველი. მარქსისტული გარემო მის ირგვლივ უკვე გამანადგურებლად მოქმედებდა, ჭლექისაგან შექმული ცხოველებიდან გამოსვლა მხოლოდ სიკვდილით შეიძლებოდა, მინიერი წუთისოფელი მარადიულობის უსასრულობაში გადადიოდა, ყოველივეს ამის ამოცნობას გრანელი საფლავის უშორესის ფენომენიდან ცდილობდა. აქ საფლავი იყო საფეხურები სამყაროს შეცნობისა და სიკვდილის წაქითხვა – მარადიული გამოუცნობის, ანუ მატერიალური კოსმიურობიდან იდეალისტური უხილავი აკადემია და მიუწვდომლობა. დანარჩენი ირგვლივ – ბინა, სახლი, დარბაზები, კლუბები, სურამის საავადმყოფოს ოთახით დამთავრებული, სულთამსუთავ ჩაბნელებულ, ჩაჟანგულ უსაშველო ციხე-დილეგად ეჩვენებოდა. ამჟამად გრანელი სამყაროსეული, ცოცხალი ნერვებმფუთქავი მწარე სინამდვილის წინ იდგა – იბრძოდა, ეძებდა, აზროვნებდა ზეადამიანურის სევდით და წმიდანური განცდით. მინიერი სივრცე ვიწრო სულთამსუთავ დერეფნად გადაქცეულიყო, რომელსაც გაჰყავდა მიუწვდომელსა და უხილავ სამყაროში, სადაც მისი მოძრაობის სიჩქარე განუსაზღვრელი იქნება... გრანელი სულიერად იმდენად განსხვავებულიად გაძლიერებულიყო, მას არაფრისა არ ეძინოდა და მინიერ კეთილდღეობაზე ნამცეცხვადაც არ ფიქრობდა. ის უკვე ადგა წამებულ წმინდანთა უპატიოსნეს გზას. ენანებოდა ციდან მოგზავნილი ლექსების დატოვება და ახლობლებზე კეთილი ფიქრი შერჩენოდა უკვე გონიუწვდომელი სამყაროსკენ მიმავალ მოგზაურს...

ანწილი მზისფერი მგოსნის მიერ შექმნილი და შეუქმნელი ლექს-შედევრები ბიბლიური, დამფრთხალი ჩიტებივით დაფარფატებდნენ და ადგილს ვერ პოულობდნენ, თითქოსდა გაურბოდნენ საკაცობრიო უსაზარლეს მომავალ ხანძარს...

ურთულესი და ტრაგიკულია მისტიკოსი ხელოვანის სიცოცხლე. ის ისწრაფვის ზეციკავენ, პლანეტებისაკენ, რომლებიც მიუწვდომლობებშია, – ფანტასტიკური მანძილია მასსა და ციურ სხეულებს შორის. უსასრულობის ძაფები მოდის და უხილავად გაბმულია, რომელსაც მოჰყვება ხილვები, წარმოსახვები, ოცნებები, მუზები და პოეტური მუსიკალური, ფილოსოფიურ-მისტიკური გააზრება. მაგრამ ობიექტური, ანუ ფაქტია, უხილავია და უშორესი. პლანეტარისტი გამოუვალ მდგომარეობაშია. მინას და გარემოს ვერ ჰყოფს. მინა მინც პატრონია მისი, რადგან ის ხომ ცოცხალი პლანეტაა, ყოველმხრივ განსხვავებული და სამყაროს გარკვეული უძლიერესი სამოქმედო პროგრამაა ჩადებული, რომლის მოქცევაშია მისტიკოსი, და მგოსნის შინაგანი გენეალოგიის ხაზების ბადეშია შეღწეული ვარსკვლავთა

მაგნიტური ძალები, რომლებმაც, კერძოდ, ამ სხეულში უფრო განავითარეს უცხო სვლა და მოქმედება. ამ დროს ადამიანი იტანჯება, რაღაც შორეულის, მიუღწევლის გრძნობები ჭამს. ამდაგვარ სრულ პროგრამას ზოგიერთი გენიოსიც ვერ სწვდება, რადგან უდიდესი კოსმოსური წინააღმდეგობებითაა სავსე. პლანეტარიუმის გამორჩეული მგოსნის ირგვლივ თავს იყრიან ზეციური ძალები და მიუსუსტებული სხეულითვე ექაჩებიან, მაგრამ მისი ფიზიკური არსება ხომ მინა-პლანეტის საკუთრებაა და ამ ფორმით ორად იწვნება განწირული პიროვნება, მინისა და ზეციური სამეფოს ქარბორბალას არამინიერ წესრიგში აჰყავს და მგოსანი იტანჯება. ის უკვე სულიერად არამინიერია და მისი ჯადო საფშვინველი ძალიან შორეულია და ეს პროცესი უმძიმესი ტკივილის მომგვრელია. სამ-



ყაროში – ჩვენი მზის სისტემაში, დედამიწის მარადიული, მიუწვდომელი პლანეტისეული კენესის ხმა გაისმისო, თურმე!..

– ამ ბოლო დღეებში უცნაური სუნი ამდის ტანზე. ეს არაა ჭუჭყის, ოფლისა თუ დაუზანლობის, უფრო სიკვდილის მარადიული სუნია, რომელსაც გააჩნია მკვდარი პლანეტების და საფლავების ანუ იმქვეყნიურ ურთიერთობათა მთლიანობის შეგრძნება. წარმოიდგინეთ, ტერენტი ამ დროს თავის თავსაც არ ელაპარაკებოდა... გაურკვეველია, ვისთან ჰქონდა დიალოგი.

შემოქმედის ერთ-ერთი შეუცნობელი ტრაგედიათაგანი ისიცაა, რომ უსახო სიკვდილი უკაფავს უკვდავებისაკენ გზას, თითქოსდა თავისი მინიერი „მე“ უშლიდაო ხელს მის მაღალწარმოსახვით ქმნილებებს...


საფლავების უცნაური შეგრძნება, მინის დამოუკიდებელი კეთილი სურნელი და მთვარის ღამეულობა ტრიალებდა ირგვლივ.

მგოსნის ასტრონომიულ-ასტროლოგიური, მისივე კუთვნილი ღამე მჭიდროდ აედევნა გამოუცნობი ფუნქციებით. გარემოს, დროის და სივრცის მიმართ ზედმეტად მგრძნობიარე ადამიანი, უცხო ძალებისაგან უკიდურესად ნერვიული აფეთქებით დამუხტულიყო და სრული გაუცხოება... მეზობელი საფლავიდან ზანტი სრილა გველი გამოდის, მის უღამაზეს სხეულს სიკვდილის და საფლავის ფერთანწყობილება, თეთრებში მოხატულით მოჰფენია, რენტგენული მომწვანო-მოცისფერი ფოსფორული გამოსხივებით. გრანელს კი არ ეშინოდა მისი, მხოლოდ უკვირდა. შეუვალი და მძაფრი საფიქრალი გააჩნდა თითქოსდა ფიზიკურად სუსტ ქვეწარმავალს. გაოგნებულ მგოსანს დაავიწყდა ყოველი საკუთარი და უახლოეს მინიერ გარემოსთან მეტად ვარსკვლავთური გახდა. ამასობაში პოეტის დაბინდული ვერცხლისფერი ფიქრი გაედევნა არამინიერს. იმ წუთს, რატომღაც, იაიას ფერებმა იმძლავრეს მის სხეულზე და სულმა იმძლავრდა თითქოსდა ყოველგვარი შიშის და ტკივილის შეგრძნება გაქრა მისგან, ადამიანური. ფიქრზე უფრო სხვა ძალა მოაწვა სულმტკიცენული, არასამყაროსეული (რა იყო ეს ასეთი?) მართლაც და ღმერთი ხომ არ სტუმრობდა ამ უცნაურ კაცს. ღუმელს მიღმა იდუმალი გარემო შემოუვიდა სანთლისფერ დაღეულ სხეულში – უცხო იყო ის და უფორმო...

მსოფლიოს კაცობრიული პოეზიის თით-

ქმის უმეტესობა სიმღერაა სიცოცხლეზე, სიყვარულზე, მშვენიერებაზე, ან ლექსთა თქმა პატრიოტიზმის, ისტორიისა, ტრაგედიისა, ფიქრია მომავალზე ოცნება და ლეგენდა-ზღაპარი არის ლექსი ქებათა ქება-ხოტბა, ლოცვად თქმულიც არიან ლექსები უამრავი – რელიგიური, პოლიტიკური და სანინალმდეგო. მრავალი ლექსი ამქვეყნად იუმორისტული და გასართობიცაა, ლექსი-კაფიაობა, სალანძღავიც გახლავთ მრავალი და ლექსი, დიდი პოემა, საოცრება „ვეფხისტყაოსანი“ სიბრძნის და ადამიანური ყველა თვისების კრებული „ფაუსტი“, ნიკორწმინდა, ლექსი „ვასაკა“, „მერანი“ ანუ „სულიკო“...

მაგრამ სხვაა მათ შორის გრანელის პოეზია, გრანელის ლექსად თქმა ამქვეყნიური ტანჯვა და წამება სიცოცხლეშივე სიკვდილთან სინქრონული მიახლოებაა – სიკვდილის ზეციურ-მინიერი დასურათება. გრანელის პოეზია ვარსკვლავთა მოძრაობის – მათი გადაადგილების სამყაროს სივრცეში აურაცხელი ტრაგედიების მინი ლურჯ-ფორმიანი ფილმია – სახეა, პორტრეტია, გრანელის პოეზიის ის განცდაა, რომელსაც ნებისმიერ ცოცხალმა არსებამ უნდა გაიაროს და ბოლოს იმქვეყნიურობად უნდა იქცეს. სამარე – მინა, მაგრამ უძირობის ტევადობის, ბნელზე უფრო იდუმალი და უსასრულო სევდა, რომელშიც შეჭრილია ჩვენთვის უხილავი და საიდანისეული უცნობი სხივები. ბელტების საფარი ღუმელი და საკვირველი მიზიდულობის. როგორც თვალთშეუვალი და მარად უცნობი გალაქტიკა, საფლავი გოლგოთაა – მინის ჭრილობა მიყენებული ტკივილი, დარდი და ფიქრი, განაჩენი და უსაზღვრო სიკეთე; სამარხი მეუცნობადი ღვთიური მადლიერება სამყოფელი მარადიული სიკვდილით გამოგონილი და უთვალავი რაოდენობის ბნელზე ბნელი სადარბაზო, ცრემლის ნაკადული, უიმედო ფიქრი და ღამეული შავი კვადრატი, გამქრალი წერტილი და... ტერენტის



უკანასკნელი ჭეშმარიტება, სახარების დონეზე თქმული...

ადამიანს მილიონობით წელი დასჭირდა ევოლუციურად განვითარებინა ხილოვნება, მეცნიერება, კულტურა და შინაგანი ინტელექტი, რომლებმაც ათასწლეულების სხვადასხვა მონაკვეთში უზარმაზარი ცივილიზაციები შექმნა, უძველესი განვითარებები ბევრად უფრო კოსმიურია, ვინემ გვიანდელის გზის ნაპირებში შექმნილები. ავითარებდა ადამიანი ნელ-ნელა აზროვნებას, ლიტერატურას, ფილოსოფიას, მეცნიერებას და იქმნებოდა ფუნდამენტალური ნაშრომები. დღევანდელი მოაზროვნის ბედი კი რთულზე რთულია, მთელი ეს სწავლებები აზრობრივად თუ სულიერად თავისთავში უნდა გამოატაროს, გადაამუშაოს, შემდგომ ახალი უნდა შეას (ხელოვანთ და მეცნიერთ ეხება). ურთულესი სვლაა პიროვნების ისედაც მოკლე ცხოვრებაში. ხსნა? ისევ ვარსკვლავთშია უცნაური გზავნილები, რომლის ნაკადი რჩეულია, ხედავთ თუ ნიჭის შემადგენლობა ერთი და იგივეა, ოღონდ პიროვნებათა ადამიანური ვალდებულება და ფუნქცია იცვლება. ის სხვადასხვა ევოლუციური სასწავლები, რომლებიც დედამიწის უპირველესმა შვილმა შექმნა, მაინც ერთიანი მთლიანობაა. სამყაროსათვის უთუოდ ნიუანსური თანმიმდევრული ზრდაა ან სხვადასხვაობაა, მაგრამ ეს განსხვავებულობა ხომ ერთე-

ულებმა მოიტანეს თავიანთი სიღრმისეული გონებრივი უღლით, მერმე იქმნება უდიდესი ინდივიდუალური სკოლები. მაგრამ ის ყოველი დროის ერთეულები – ინდივიდები ხომ მარადიული და სრულიად განსხვავებული ჩაუქრობელი ვარსკვლავებია.

ამ ზეციური სასტიკი ტვირთის ტარება გრანელს სამყაროს უსასრულობამ, მისმა განაჩენმა დააკისრა. მასთან ერთად ჩვენი პლანეტის ირგვლივ სივრცეში ერთეულებს თუ შეხვდა ეს ბედნიერი საამო და უსასრულო წამებითი – კოსმიური ჯვარცმა.

ძალიან ხშირად ადამიანებში, ჩვენს ირგვლივაც ხდება ეს სამარცხვინო სისუსტეები. გაურბიან ღმერთს, არ ცნობენ ზეციური სიყვარულისა და სიკეთის ბედს, აქ ძალაუნებურად თავის პლანეტასაც გაურბის ის და, რა ხდება?! თავისთავის იზოლირებაა ვარსკვლავთის უზარმაზარი გულის ფეთქვისაგან, თვითნებური ცოცხალი დასამარებაა არარაობასთან შერიგება და აქ უთუოდ ბნელი ძალა მოქმედებს. შხამიანი ვარსკვლავი და ემბაკი ძლიერია და უთუოდ, ამ შემთხვევაში, ადამიანის უკიდურესი გათიშვა-მოდუნებაა, საუბედუროდ, სულით მოკვდინება და მეტი არაფერი

თითქმის ლანდადცეულ მგოსანს, ყოველთაგან განწირულის, ნერვების წრიალი, წმუტუნი, წკავნკავი და წამი-წამზე წრიულათ სვლა-წამება დაეწყო. აუტოკდა ძარღვები, კაპილარები და ყველასაგან მიტოვებული სიახლოვეს მხოლოდ საფლავთა ბნელი ფიქრმწოლიარე ფონი ჩანდა.

უცხო შორიასლო მიმინი და შრიალი შემოდიოდა მთენილ სხეულში.

ადრე და ღრმა ალიონის ნისლისფერი სევდა სრულიად სივრცეს სასონარკვევით სერავდა. მხოლოდდა ძლიერი პოეტური საფშვინველით იკვებებოდა მგოსნის სხეული და მინიერი ტანჯვა იწურებოდა.

უკვე განგრენებული გონება, გორად გარდასახული გული – განგება, გაუთავებელმა გოლგოთამ და გარემოსაგან დაუნდობლობამ თანდათან დალაღა და გამოფიტა ტერენტი, დღე-ღღეზე ილიოდ კაცი, გონებით ბრმითაგან განწირული.

მერმე სიკვდილმა, ჰოი საკვირველებზე, საკუთარი მკვდრის სხეული დაკარგა და, მისდა დაუკითხავად, შეწირული მინის კუთვნილება გახდა. კუთხე-კუნჭული უმაგისოდ არ მოიძიებოდა და ყველგან მგოსნის მარტოხელა უდანაშაულო სული ალიაქოთად დამწნოდა, მარდი და მაგარი მუხლებით კი მოუსავლეთისკენ განგამყარული მიემგზავრებოდა. მგოსნის მტანჯველი მართალ-მოლანდებები და მიუკარება მონობა მთლიანად მორჩა...

უსაშველო და უახლოესი ტანავჯორკილი ურჩხული უგვანოდ უგრესდა ხელ-ფესს და ზეცისაკენ ამგზავრებდა, რითაც მგოსნის მინიერთაგან განწირვა-გამეტება დასასრულს უახლოვდებოდა.

გრანელის მკრთალი მზერა მინისძვრას მომლოდინე ღვრივ წყლის აკვარიუმის ცისფერი თევზებივით წრიალებდა. მხოლოდ პოეზია იყო აქ ღმერთივით მარადიული, ნათელი, მართალი და მუდმივი: გარდამავლობა ვარდისფერი ვარსკვლავით კოსმიურ სივრცეს მონყვეტილიყო, დაუსაბამო მომავლის მთლიანობა მედგრად მოემართებოდა.

დაუდგომელი დიდების ღუმელი, დაუმორჩილებლობა და კაცთაგან დევნილის განწირვითი დაუნდობლობის დევნა უწყვეტი...

უმკაცრესი მბრძანებელი სიყვარულ-სიკეთისადმი სიძულვილი, სამინელ და სასტიკ სარბიელს არ ტოვებდა და ყოველი მთელ სიკვდილს გამანადგურებელი ძალა მოეკრიბა...

ყოველთა მზე მზიურად მზებოდა, მზე-სუმზირები მოელვარე მანათიბელს მიფერებოდა. მათგან ზოგს თავი დაესხრა, თითქოსდა მინას ებოდიშებოდა.

ემშაკეული ერთსახეობა, ერთკილა და ერთქიანი ელამი, ელვად ეკვეთა ეულ – მხოლოდ ერთს...

გულცივი გაცვეთა, გონების გადაგვარება, უსაშველო ეპოქის გოლიათური გესლი, გველ-გუნდთა გორგოლაჭობა, გამცემლობა და გადაგვარება გალეულიყო. ყოველთა სისავსე და ახალი დრო, მოგუდულ პოეტთან ჯვარცმამამოვლით, ზეციური უსასრულობისკენ მარადისობით მიამგზავრებდა. სამყაროს უსასრულო ძალა-განაჩენს კი, უიმედობა შეჰყაროდა გაურკვეველი...

მხატვარ-მწერალი
რეზო აბაშია

აქსრესიონისტური ასპექტები კონსტანტინე გამსახურდიას რომანში „დიონისოს ლიმილი“

ლალე ქარიშხალი

კონსტანტინე გამსახურდიას „დიონისოს ლიმილი“ ერთ-ერთი საინტერესო და მაღალი მხატვრული დონის მოდერნისტული რომანია. კერძოდ, იგი ექსპრესიონისტული მიმდინარეობის მნიშვნელოვანი ნაწარმოებია ქართული პროზის ისტორიაში. მასში მკვერად არის ასახული მითოსის მოკლებული სივრცე, მოდერნული ქალაქის ქაუტურობა, მატერიალისტური საზოგადოების გულგრილობა, კულტურის გაუფასურება, რომლის ფონზე წინა პლანზეა წამოწეული ამ ეპოქაში მცხოვრები ადამიანების სულიერი და მორალური კრიზისი. ვულგარულმა სოცოლოგიურმა ლიტერატურულმა კრიტიკამ და მაშინდელმა ოფიციალურმა საბჭოურმა ლიტერატურულმა წრეებმა არასწორად შეაფასეს მწერლის ოცინი ნაწარმოების შემოქმედება და მისი მხატვრულ-ესთეტიკური პრინციპები. ექსპრესიონიზმი XX საუკუნის მოდერნისტული მიმართულებაა ლიტერატურასა და ხელოვნებაში. კ. გამსახურდია ოცინი ნაწარმოებში უდავოდ ერთ-ერთი ორთოდოქსი ექსპრესიონისტია, რომელიც იზიარებს ამ სკოლის, როგორც იდეურ-ესთეტიკურ, ისე მხატვრულ-სტილურ პრინციპებს. იგი გრივად რომატიკულად ერთად თანამიმდევრულად ამკვიდრებს ქართულ მწერლობაში მოდერნიზმს – ექსპრესიონისტულ პოეტიკასა და მხატვრულ ნარატივს.

მკვლევარმა გურამ კანკავამ სწორად მიუთითა ექსპრესიონიზმის გამსახურდიასეულ განსაზღვრაზე, იმ მხატვრულ ხერხებსა და საშუალებებზე, რომლებშიც გამოვლინდა პრაქტიკულად ამ მიმართულების კონკრეტული ნიშნები მწერლის შემოქმედებაში. ამ თვალსაზრისით განიხილება მწერლის ეს რთული და პრობლემური რომანი „დიონისოს ლიმილი“.

ადრინდელმა საბჭოურმა სალიტერატურო კრიტიკამ ამკარად, არაობიექტურად, ტენდენციურად, განიხილა კ. გამსახურდიას ეს პროზაული შედევრი, რომელიც ჭეშმარიტად უდიდესი მოვლენაა ქართულ და არამართო ქართულ პროზაში. მასში ჩანს ექსპრესიონისტული და რეალისტური ტენდენციები.

მკვლევარი დიმიტრი ბენაშვილის აზრით, „დიონისოს ლიმილი“ ერთსა და იმავე დროს ხარკს უხდის როგორც ლიტერატურულ რეალიზმს, ისე მოდერნიზმს. იგი უნდა ჩაითვალოს უღელტეხილად დეკადენტური მისტიციზმიდან რეალიზმისკენ.

„დიონისოს ლიმილი“ კონსტანტინე გამსახურდიამ წარმოაჩინა მოდერნის ეპოქის არაპარმონიულ სამყაროში მცხოვრებ პერსონაჟთა სიმბოლური სახეები, რომლებიც ნათელ წარმოდგენას გვიქმნიან 20-იანი წლების ქართულ და ევროპულ საზოგადოებრივ აზროვნებასა და სარწმუნოებრივ პრობლემებზე.

„დიონისოს ლიმილი“ ერთ-ერთი პირველი მოდერნისტული რომანია ქართულ პროზაში; მისი პოეტური ენა, თხრობის ინდივიდუალური სტილი და საზოგადოდ რომანის სტრუქტურა, პოეტიკა და ესთეტიკურ-მხატვრული მხარე ნათლად მეტყველებს, რომ იგი მოდერნისტული პროზის ნიმუშია. თუმცა ნაწარმოების ცენტრალური პერსონაჟი კონსტანტინე საგარსამიძე იმ სოციალური ფენის შვილია, რომელიც ასახეს: ილია ჭავჭავაძემ, გიორგი წერეთელმა, დავით კლდიაშვილმა და შალვა დადიანმა, მაგრამ მათი პერსონაჟებისაგან განსხვავებით, საგარსამიძის სახე სცილდება სოციალურ-ეროვნულ საზღვრებს და საკუთარ თავში ატარებს „მსოფლიოს სევდას“. ამდენად, ნაწარმოების მთავარი გმირი კონსტანტინე საგარსამიძე ტიპური მოდერნისტული პერსონაჟია; ის ე.წ. „არამყარი“ პერსონაჟია, რომლის შინაგანი სამყარო დესტრირებულია. ის არ არის მონოლითური პიროვნება, ანუ მასში იკვეთება „მეს“ სუბიექტურობის რღვევა. თხრობა მიმდინარეობს პირველ პირში (ეს, ზოგადად, მოდერნისტული რომანის დამახასიათებელი ნიშანია), რის გამოც უფრო ნათელია ამ პერსონაჟის ეგზისტენციალური კრიზისი. კონსტანტინე საგარსამიძე ექსპრესიონისტული ლიტერატურის ტიპური გმი-

რია. მის მოუსვენარ ბუნებას განსაზღვრავს ეპოქის აფორიაქებული ხასიათი. იგი გარემოსთან გაუცხოებულია, როგორც მარტოსულს, მას სულიერ შვებას ვერ ანიჭებს ვერც ფართო განსწავლულობა, ვერც პირადი და ეროვნული ღირსებები. გრძნობს, რომ წილდაკარგული, ზედმეტი ადამიანია, რომელიც არც ანმყოს უნდა და არც მომავალს, ფესვებმომპალ ფულუროსა ჰგავს.

კონსტანტინე საგარსამიძე ევროპაში მცხოვრები ქართველი აზნაურია, რომელმაც ახალგაზრდობაში მიატოვა სამშობლო და უცხოეთში გადაიხვეწა. მან გაყიდა მამისეული ვენახი, რითაც წინაპრებთან სამუდამოდ განწყვიტა კავშირი. ეს მოტივი კიდევ უფრო გამძაფრებულია მამის წყევლის ფაქტით, რაც თავის მხრივ უპერსპექტივობის მომასწავლებელია; ამის შემდეგ საგარსამიძე იქცა გაუცხოებულ და „უსამშობლო“ გმირად.

„ქვეყანაზე საკუთარი „შინ“ არ გქონდეს, ცაში ღმერთი არ გეგულებოდეს და არც არავის უყვარდეს ამ გაუცხო-



ებული ცხოვრების ბნელ ღამეში...?!

პატრიარქალურ გარემოში აღზრდილი საგარსამიძე უცხოეთში ვერ ეგუება მოდერნული ქალაქის ინდუსტრიულ ყოფას, „ბენზინის სუნით აყროლებულ ქუჩებს“, გართულებულ ყოფით და სოციალურ-პოლიტიკურ სიტუაციებს (აქედან ექსპრესიონიზმის კრიტიკული პათოსი, არსებული სინამდვილის წინააღმდეგ), ამიტომ ევროპის მეგაპოლისებში ის თავს ყოველთვის მარტოსულად გრძნობს. პარიზისა და გერმანიის სალონური ცხოვრება და იქ წარმოშობილი ცრუ ურთიერთობები კიდევ უფრო გარიყულად და მიუსაფარად აგრძნობინებს თავს მთავარ გმირს. ქალაქის მერკანტილური საზოგადოება, რომელიც მხოლოდ კაპიტალიზმზეა ორიენტირებული, კიდევ უფრო ამძაფრებს „უსამშობლო გმირის სულიერ კრიზისს, რისი გამოშხატველიცაა საგარსამიძის ნაღვლიანი შეძახილი: „რად გამომრიყე ღმერთო ამ ბუხპალტერების საუკუნეში?“.

ნათელია, რომ თანამედროვე ეპოქაში ხსნა ტრადიციული გზებით შეუძლებელია, ამიტომ მარტოსული, უღმერთოდ დარჩენილი, საზოგადოებისგან გარიყული და გაუცხოებული გმირი იძულებულია, საკუთარი თავის გადასარჩენი გზა თავად აირჩიოს. რომანში კი კონსტანტინე საგარსამიძე სხვადასხვა გზით ცდილობს ჩაკეტილი წრის გარღვევას, სწორედ ამ მიზნით იწყებს ის ევროპის ქვეყნებში ოდისეას, ხან საყვარელ ქალთან ჯენეტთან ცდილობს ახალი ცხოვრების დაწყებას, თუმცა, ბევრი მცდელობის შემდეგ,

საბოლოოდ გმირი საქართველოში ბრუნდება, მაგრამ აქაც ვერ პოულობს სულიერ სიმშვიდეს.

ერთი ქართველი კრიტიკოსი საგარსამიძეს რუსოს მიმდევარს უწოდებდა და წერდა: „მას (კონსტ.საგარსამიძეს) აშინებს ცხოვრების მექანიზაცია, ის ილაშქრებს თანამედროვე ქალაქების, ინდუსტრიის და მანქანების წინააღმდეგ; მისი მისწრაფება პრიმიტიულ ბუნებაში ცხოვრება პირველყოფილი წესებით. ის ალფრთოვანებულია, როდესაც უბრუნდება აბასთუმნის მთებს, ტაია შელიას ჯოგს და ველურად ცხოვრობს“, მაგრამ ეს არ არის სწორი. როგორც უკვე მივუთითეთ, საგარსამიძის ბუნება უნდა მოვიანოთ არა როგორც გარკვეული სოციალური (ფეოდალური) კლასის შვილი ან პიროვნული ხასიათი და ზედმეტი ადამიანისთვის მახასიათებელი ნიშნის მატარებელი, არამედ როგორც ეპოქის პროდუქტი, როგორც საუკუნეთა მიჯნაზე გართულებული სოციალურ-პოლიტიკური კატაკლიზმებისა და ტექნიკური გაუცხოების პირობებში მომწყვდეული ადამიანის ტრაგიზმი. თუ დავეშვებით, რომ ამ მიმართულებით საგარსამიძის ხასიათს აკლია ფერადები, მხატვრული ნიშნები, შემდეგ „მთავრის მოტაცებაში“, შეიძლება ითქვას ხდება ამ ხასიათის განსრულება... ამასთან, არ ვიქნებით სწორი, ტექნიკური გაუცხოების პრობლემა. როგორც ასეთი, მხოლოდ ე.წ. „კაპიტალისტურ საზოგადოებას“ გადავადრალეთ. იგი მთელი სიმძლავრით დადგა, განსაკუთრებით დღეს, ჩვენს საზოგადოებაშიც. ამდენად, ცივილიზაციის ჰარმონიული განვითარების აუცილებლობაზე მიგვანიშნებს.

კონსტანტინე საგარსამიძის მითოსურ-დიონისური სანწყისებისკენ ლტოლვა ტაია შელიას ისლის სახლში იწყება. თავად კონსტანტინე საგარსამიძის მორღუ, ტაია შელია მითოსური ცნობიერების მატარებელი გლეხია, რომლის მიერ პატარა კონსტანტინეს მითოსურ ცნობიერებასთან ზიარების შემდეგ ხდება საგარსამიძისთვის ფილისტურ-ბიურგერული ცხოვრება უფერული, ამიტომაც აღმოჩნდა მთავარი გმირისთვის გაუგებარი

მაშამისის სიყვარული მინისადმი. საყვარდელბა, რომ ტაია შელიას ისლის სახლი, რომელიც ბუნების ნიაღში მდებარეობს, უპირისპირდება ურბანულ ქალაქს. ბუნება, ამ შემთხვევაში, მხოლოდ მატერიალური სივრცე არ არის. მოდერნისტული რომანი ხშირად მრავალპლანია, გამოაკლისი არ არის არც „დიონისოს ლიმილი“, რომელშიც შემოდის სიზმრისეული და მითოსური პლანები. კონსტანტინე საგარსამიძე არათანაბრად განვითარებული ცივილიზაციის ზრდადამთავრებული პირმოა, რომელიც ჯერ კიდევ თვით ისტორიულ ეპოქას ვერ ჩამოუყალიბებია. მწერალმა შენიშნა ეს და კონკრეტულ რეალურ გარემოსა და სოციალურ სივრცეში ასახა პერსონაჟები, რომლებიც მოქმედებენ ფრიად გართულებულ სიტუაციებში.

მთავარი პერსონაჟის ეროვნული ფორმა, თუნდაც მისი აშკარა ქართული ხასიათი, არ ზღუდავს მის ზოგად ბუნებას. ამ სახის დაკავშირება მითთან (კიმედაშვილი, ა. ცანავა, ს. სიგუა) არ ცვლის ლიტერატული პერსონაჟის ბუნებას. შეიძლება ითქვას, „დიონისოს ლიმილის“ ექსპრესიონისტული პერსონაჟები რეალურ გარემოსა და სოციალურ-პოლიტიკურ ფონზე მოქმედებენ. მათში, როგორც საზოგადოდ რომანის სტრუქტურაში, შეზავებულია ორივე მიმართულების – ექსპრესიონიზმისა და რეალიზმის არსებითი პრინციპები. ეს პროცესი მწერლის შემოქმედებაში უფრო თვალსაჩინოდ ვლინდება 20-იანი წლების დასასრულს და

რეალიზმის სასარგებლოდ ვითარდება.

„დიონისოს ლიმილი“ როგორც ტექსტის საზრისის გამლა-განვითარების, ისე ტექსტის სტრუქტურირების თვალსაზრისით მნიშვნელოვანია მამა-შვილის ურთიერთმიმართების პარადიგმა. კ. გამსახურდიას რომანში მამის მითოსური ხატი და მასთან დაკავშირებული ვენახის სახისმეტყველებითი სიმბოლო მოდერნიზმის ეპოქაში, ხოლო შვილის მიერ საკუთარი მამის უარყოფა, უკვე რომანის დასაწყისიდანვე ჩანს, რომ საგარსამიძე, შესაბამისად, მოდერნიზმის ეპოქის ადამიანია, რომელიც მენტალური თვალსაზრისით მითოსური ცნობიერების მატარებელი ინდივიდი და ძველი ქართული არისტოკრატიული სულიერი კულტურის უკანასკნელი წარმომადგენელია.

განსაკუთრებით საინტერესოა „დიონისოს ლიმილის“ ფერთამეტყველება, რომელიც კვლავ დიონისურ სიმბოლიკასთან იკვეთება.

დიონისური სიმბოლოების საპირისპიროდ რომანში წარმოდგენილია ანტი-დიონისური სიმბოლოები, რომლებიც მოდერნის ეპოქის დესაკრალიზებზე მოქმედებს. მთელი რომანის მანძილზე საგარსამიძე მუდმივად ირყევა საკუთარი ეგზისტენციის ესთეტიკურ, ეთიკურ და რწმენისეულ ფაზებს შორის, რაც თავად რომანის სტრუქტურაზე აისახება: კერძოდ, რომანის კომპოზიცია ისეა აგებული, რომ ერთმანეთს ენაცვლება საგარსამიძის რწმენითა და მაღალი სულიერებით აღვსილი ნიუანსები.

მთელი ცხოვრების მანძილზე საგარსამიძე მუდმივად ცდილობს ეგზისტენციის ეთიკურ ფაზაზე სასონარკვეთილებისა და შიშის დაძლევას. გარდა ამისა, ჯენეტისადმი საგარსამიძის სიყვარული, რომელიც სცილდება ჩვეულებრივ საყოფაცხოვრებო, ან ფსიქოლოგიზებულ სასიყვარულო ისტორიას.

„დიონისოს ლიმილის“ – „კაცი რომელიც ველარ იცინის“, წარმოგვიდგენს ოქტომბრის უმშვენიერეს დროს პარიზში, სადაც თითქმის შეფარვით იკვეთება პერსონაჟის მწუხარება, რომელიც სხვა ქვეყანაშია გადასული ყოველდღიური ყოფა-ცხოვრების გამო: „ო, შემოდგომის მწუხარება, სხვის ქვეყანაში!“

საკმაოდ რთულია შენი სამშობლოსაგან მოშორებით ცხოვრება, გინც ყოველივე ახალს შეეგუო და იმ გარემოსთან რეალიზდეს. სწორედ ამიტომ ცოცხალთა შორის უფრო მახინჯი არაფერი ყოფილა, ნარბები და თმა გადაუტრუსავს გაზეხს.

კ. გამსახურდიას „დიონისოს ლიმილი“ სწორედ ტიპური მოდერნისტული მხატვრული ტექსტია. ქართული ლიტერატურული მოდერნიზმის სივრცეში ეს არის ყველაზე უფრო სრულყოფილი მხატვრული ტექსტი მოდერნისტული ესთეტიკის თვალსაზრისით, რომლის საზრისეული დისკურსი მოდერნიზმის ეპოქის ადამიანის ეგზისტენციალური და სულიერი კრიზისის წარმონაჩაზეა მიმართული, რაც გამომწვეულია მენტალობის საყოველთაო ცვალებადობით, ანუ სხვაგვარად – ღირებულებათა საყოველთაო გადაფასებით, ამავედროულად, კ. გამსახურდიას რომანის ტექსტში მოცემულია ღმერთის სიკვდილით გამოწვეული ეგზისტენციალური კრიზისის დაძლევის ცდა-მოდერნიზმის ეპოქაში.

ამრიგად, გამსახურდიას „დიონისოს ლიმილის“ მიხედვით მატერიალურ მოდერნის ეპოქა კლავს დიონისოს საკრალურ სანწყისს, რითაც ცხადდება, რომ მოდერნის ეპოქაში იდეალის პოვნა და თვითგადარჩენა შეუძლებელია. მოდერნის ანტი-დიონისური ხასიათი იმდენად ტოტალურია, რომ დიონისოს ამქვეყნად ცხოვრება არ შეუძლია და გარდაუვალი სიკვდილი ელის. მისი სიკვდილი კი მრავალჯერაა წინასწარ გაცხადებული საგარსამიძის სიზმრებში. აქ კონცეპტუალურია, რომ ფარვიზის სიკვდილის მიზეზი სწორედ ტექნოკრატიზმის სიმბოლო - ავტომობილი ხდება. მამასადამე, გამსახურდიას აზრით, ნიცშეს იდეა სამყაროს დიონისური ესთეტიკური გზით გადარჩენის შესახებ კრახით სრულდება, რის გამოც მოდერნის ეპოქაში სრული ონტო-ეგზისტენციური კრიზისი, უღმერთობა და უიმედობა ისადგურებს.

ამას წინათ, საქართველოს პრეზიდენტმა მიხეილ ყაველაშვილმა, პარლამენტში გამოსვლისას, განაცხადა, — „ძალიან მნიშვნელოვანია, რომ ყურადღების მიღმა არ დაგვრჩეს დემოგრაფიული საკითხები, ჩვენ ისედაც პატარა ერი ვართ და არაერთი გამოწვევის წინაშე ვდგავართ, ამიტომ მნიშვნელოვანია, რომ სახელმწიფომ იზრუნოს ოჯახების გაძლიერებაზე, იმ პირობების უზრუნველყოფაზე, რომელსაც პოზიტიური ეფექტი ექნება დემოგრაფიული მაჩვენებლების გაუმჯობესებაზე. მიმართა, რომ აღნიშნული საკითხი ჩვენი მხრიდან განსაკუთრებულ ყურადღებას იმსახურებს. გეჭირდება საფუძვლიანი კვლევა და შესაბამისი სტრატეგიის განსაზღვრა უწყებათაშორისი კოორდინაციის საფუძველზე. აღნიშნული ინიციატივის ფარგლებში საპატრიარქოს როლი კვლავ უდიდესი იქნება.“

მეტად საგულისხმო სიტყვაა. თუ ქართველი ხარ და საქართველო გიყვარს, უნდა გაითავისო ერის გამრავლების პრობლემა...

ჩვენს გაზეთსა და „საქართველოს რესპუბლიკაში“ ხშირად ვაქვეყნებ წერილებს და სტატისტიკურ მონაცემებს ქვეყანაში და, კერძოდ, ბორჯომის მუნიციპალიტეტში არსებულ დემოგრაფიულ პრობლემებზე. ვეძებ მისი გადაწყვეტის გზებს, თუმცა, სამწუხაროდ, ვითარება, წლიდან წლამდე, სულ უფრო და უფრო საგანგაშო ხდება.

გასული წლის ბოლოს საქართველოში ჩატარდა მოსახლეობის საყოველთაო აღწერა. ნეტავ არ გავცნობდი აღწერის წინასწარ მონაცემებს! ნეტავ

მურ გიორხელიძეც.

ცნობილი მწერალი ოთარ ჭილაძე წერს: „ებრაელები 25 საუკუნე საქუთარი სახელმწიფოს გარეშე იყვნენ მიმობნეულნი მსოფლიოს სხვადასხვა კუთხეში. როგორც კი ისრაელის სახელმწიფო შექმნეს, ებრაელთა 80-90 პროცენტი მშობლიური სახელმწიფოს ასაშენებლად დაირაზმა და ისრაელში ჩავიდა. უმოკლეს დროში დიდებული სახელმწიფო შექმნეს და დამსახურებული ავტორიტეტითაც სარგებლობენ მსოფლიოში, მათ სიტყვას დღეს

ექსპლოატაცია ხდება იმითაც, რომ ევროპული სახელმწიფოები, საკუთარ მოსახლეობასთან შედარებით, მათ 2-3-ჯერ ნაკლებ გასამრჯელოს უხდიან!

საინტერესოა, ვინ უნდა ააშენოს სისხლით მოპოვებული დამოუკიდებელი საქართველო, სადაც 30-35 წელია აქციებისა და მიტინგების გარეშე ერთი დღეც არ გვიცხოვრია?! ერთმანეთის შუღლსა და დაპირისპირებაში კი გადის ძვირფასი წლები!.. ხელი-სუფლებას ბენვის ხიდზე უწევს სიარული, რათა, როგორმე, ქვე-

ცხოვრობდა, მათ შორის ქართველი 65 პროცენტი იყო. 2024 წლის აღწერის მონაცემებით, სულ ბორჯომის მუნიციპალიტეტში, 24,5 ათასი ადამიანი ცხოვრობს, მათ შორის ქალაქ ბორჯომში 11,2 ათასი; ახალდაბა, ბაკურიანი, წალკერი, ანდუზიტი, საქალაქო დასახლებებია და აქ 4,2 ათასი ადამიანი ცხოვრობს, სასოფლო დასახლებებში — 9,2 ათასი. 2023 წელს იქონიან 177 წყვილმა, განქორწინდა — 83 (თითქმის ნახევარი), ამავე პერიოდში დაიბადა 217 ბავშვი, გარდაიცვალა 361 ადამიანი. ბორჯომში ყოველი მესამე-მეოთხე ბინა დაკეტილია და მეპატრონე ემიგრაციაშია წასული.

იცით თუ არა, რომ საქართველოში, ბოლო მონაცემებით, ყველაზე მრავალრიცხოვანი ქართული გვარი ბერიძეა — (14 963 მამაკაცი), მეორე გვარია მამედოვი — (14 482 მამაკაცი), მესამე კაპანაძე — 9538 და მეოთხე — ალიევი — 9298; ქალებში პირველ ადგილზეა ბერიძე — 15 059 და მეორე მამედოვი — 13 487. როგორ მიგაჩნიათ, ნორმალურია ეს სტატისტიკა? კი, ბატონო, ყველა საქართველოს შვილია, მაგრამ მისი ეთნიკური შემადგენლობა სიმწრის ოფლს ხომ არ გასხამთ?!

ამას წინათ გამოქვეყნებულ კიდევ ერთ საინტერესო სტატისტიკურ მონაცემებს გაგაცნობთ: 1991 წელს საქართველოში 5,453 მილიონი ადამიანი ცხოვრობდა. 2024 წელს მისი მოსახლეობა კატასტროფულად შემცირდა და 3,7 მილიონი დარჩა. ყოფილი საბჭოთა კავშირის რესპუბლიკებს თუ შევადარებთ: — აზერბაიჯანის დემოგრაფიული მონაცემები

მესხეთს



ისტორიულად ნაქებო მესხეთო, ტურფა მხარეო, შოთა რუსთაველის მშობელო გამოიღვიბე შალეო.

შოთას სიტყვები ესლაც ჭქუსხ: მესხეთო, გაიხარეო... სიმართლის მზემ ანათოს, მოჭეფინოს ჩვენი არეო.

თამარ მეფისა ნაშენი ციხე აქ ბლომად დგანო, ის მოწმობს ჩვენს წარსულსა, დედამ რომ გვითხრა ნანათო.

ხელს გვიწვდის დედ-სამშობლო: — ჩემო სულეო ნენათ, მოდი და გულში ჩამიკარ, არ შეგეყაროს სნებათო.

ყოვნებს კი ღასვრათ ესობათ დედის ეს ტკბილი სიტყვები, და ყოველ ღონეს ხმარობენ შევიქმნეთ კვლავაც მონები.

დამრწიან ყოველ სოფელში, თეიცნი, მოქრთამთულები, მტრებს გვერდში ამოღდომიან, ჩაუყვანებენ ფულები.

ოჯახს გვინგრევენ, სამშობლოს განადგურებას ღამობენ, მტერები ფერსულსა თუღიან, ჩვენი წვალებით ხარობენ.

განა არ გვეყო ცრემლები, განა არ ვმარა გოდება? რომ დღესაც არ გვასვენებენ, ავსული აღარ გვმოძრებენ.

ისტორიულად ნაქებო, მესხეთო, ტურფა მხარეო, შოთა რუსთაველის სამშობლოც გამოიღვიბე შალეო.

ხასან თხილაიშვილი,
„სამუსლიმანო საქართველო“,
1920 წ. N375

ერის გახიზნულება ქართველთა უმრავლესობა სამხრეთში

შეცდომა იყოს ის სტატისტიკური მონაცემები, რომლებიც გაზეთების ფურცლებზე და სოციალურ ქსელში გამოქვეყნდა. თუ ამ 30-35 წლის წინ საქართველოს მოსახლეობა მსოფლიო მოსახლეობის 0,0625 პროცენტს შეადგენდა, ეს პროცენტი ახლა მინიმუმ იქ აღარაა.

სამჯერ თუ ოთხჯერ გადავამოწმე სტატისტიკის წინასწარი მონაცემები. 2024 წლის აღწერით საქართველოში 1 340 000 ეთნიკური ქართველი ცხოვრობს. ეს მაშინ, როცა საქართველოში საცხოვრებლად შემოსახლებულთა გამრავლება უკვე თვალსაჩინოა! ხელთ მაქვს ცნობილი ქართველი დემოგრაფის, პროფესორ ანზორ თოთაძის მიერ საქართველოში დემოგრაფიულ საკითხებთან დაკავშირებით გამოქვეყნებული მასალები. ბოლო წლებში 2 მილიონზე მეტი ეთნიკური ქართველი ქვეყნის გარეთ გასულია, აქედან 1 200 ათასი რუსეთში, 500 ათასი — თურქეთსა და საბერძნეთში, დანარჩენი მსოფლიოს თითქმის ყველა ქვეყანაშია მოდებული.

2021 წელს საქართველოში 3 მილიონ 703 ათასი ადამიანი ცხოვრობდა, 2022 წელს მოსახლეობის ბუნებრივი ნამატი 40 ათასით გაიზარდა. თუმცა, სამწუხაროდ, ეს ნამატი ქართველებზე არ მოდის. ამ 40 ათას ახალშობილში მხოლოდ ყოველი მესამე იყო ქართველი, დანარჩენი — საქართველოში მცხოვრები აზერბაიჯანელები, სომხები, ოსები და სხვა ეროვნების ადამიანები არიან. ამ ფაქტს ადასტურებს ანალიტიკოსი, პროფესორი, დე-

დიდი ფასი აქვს და მსოფლიო უსმენს.

ჩვენ, როგორც კი თავისუფლება მოვიპოვეთ, საქართველო ქართველებისგან დაიშალა, მშობლიური სახლ-კარი მიატოვეს და საშოვარზე საზღვარგარეთის ქვეყნებში გაიფანტნენ, ზოგი მეზოვედ, ზოგიც მოხუცთა და ავადმყოფთა მომვლელებად, ზოგიც ღირსებაშემლახვე, მეტწილად, აუტანელ, დამამცირებელ სამუშაოს ასრულებს. იმ პროფილის სამუშაოს, რასაც იქ ასრულებენ, ჩვენ სამშობლოში უკადრისობენ და თავზე მამალ ბუხსაც არ ისვამენ. როგორც თვითმხილველები ამბობენ, ბევრი ემიგრანტი კიდევ მათხოვრობს და ქურდობს. ევროპის სახელმწიფოების ციხეები სავსეა თურმე ქართველებით, თითქმის ყოველკვირა არაერთი ინფორმაცია ქვეყნდება მათი „საგმირო საქმეების“ შესახებ, ბევრი პოლიტიკურ დევნილებად დადგენილია.

სამწუხაროდ, უცხოეთში გადახვეწილებს საქართველოსადმი „დიდი ნოსტალგია“ აქვთ, — თუ ვინმე გარდაიცვლება, ანდერძს ტოვებენ — საზღვარგარეთ არ დამმარხოთ, საქართველოში გადასვენეთო! მათთვის საქართველო დღეს ერთ დიდ სასაფლაოდაა გადაქცეული.

მინდა ვიკითხო, ოცი-ოცდაათი წელი რომ საზღვარგარეთ მუშაობენ, რით ვერ დააგროვეს საქართველოში სახლის ყიდვის თუ შვილის უმაღლეს სასწავლებელში სწავლის ფული? სამწუხაროდ, ჩვენი ემიგრანტების აშკარა

ყანაში მშვიდობა შეინარჩუნოს და გარეშე და შიდა მტრების არნახულ ზენოლას გაუძლოს! ოპოზიციას არასდროს არც ჩატარებული არჩევნების შედეგები აწყობს და არც პარლამენტის მიერ მიღებული გადაწყვეტილებები, უკეთესს კი ვერაფერს გვთავაზობენ...

საქსტატის მონაცემებით 2023 წელს საქართველოდან 120 ათასი ადამიანი წავიდა ემიგრაციაში. იმავე წელს 26 ათასი ემიგრანტი შემოვიდა და მუდმივ საცხოვრებლად დარჩა!

საგანგაშო ვითარებაა!!! ქართველები მშობლიურ სამშობლოს ტოვებენ და უცხოეთში მიდიან სამუშაოდ, უცხოტომელები კი საქართველოში ჩამოდიან საცხოვრებლად და ისე ბედნიერად გრძნობენ თავს, რომ თავიანთ ქვეყანაში დარჩენილ თანამოქმედებსაც ეპატიუებიან ჩამოსასვლელად!!!

ქართველებს სტუმართმოყვარეობას და ტოლერანტობას ვერაფერს გვასწავლის, ამის დასტურად დღეს ჰარმონიულად, გვერდიგვერდ დგას თბილისში სიონი, მეჩეთი და სინაგოგა.

იცით თუ არა, რომ ბოლო სტატისტიკური მონაცემებით, საქართველოში 2023 წელს დაიბადა 40 214 ბავშვი და გარდაიცვალა 42 756 ადამიანი?!

ახლა ბორჯომის მუნიციპალიტეტის დემოგრაფიულ სტატისტიკას გაგაცნობთ და დასკვნა თავად გამოიტანე, ძვირფასო მკითხველო.

1989 წლის აღწერით ბორჯომის რაიონში 39,5 ათასი ადამიანი

პალერია ლომიძე,
გაზეთ „ბორჯომის“
რედაქტორი

„კიარე ისე, როგორც ქოეცს შეეფერება“



14 მარტს ახალციხის ცენტრალურ ბიბლიოთეკაში გაიმართა ცნობილი ქართველი პოეტის, მხატვრისა და ჟურნალისტის – ალექსანდრე (შურა) ტაბატაძის სსოფნისადმი მიძღვნილი ლიტერატურული საღამო „ვიარე ისე, როგორც ქოეცს შეეფერება“.

ლონისძიებმა, რომელსაც ალექსანდრე ტაბატაძის პოეზიის თაყვანისმცემლები, ქართული პროზისა და პოეზიის მოყვარულები, პედაგოგები, სამეცნიერო წრის წარმომადგენლები, ახალციხის მუნიციპალიტეტის კულტურის სამსახურის თანამშრომლები, პოეტის მეგობრები და ნათესავები ესწრებოდნენ, მისასალმებელი სიტყვით გახსნა ახალციხის ცენტრალური ბიბლიოთეკის მენეჯერმა ლილი აჩელაშვილმა.

ლიტერატურული საღამოს ძირითად ნაწილში დამსწრე საზოგადოების წინაშე წარსდგნენ ამავე ბიბლიოთეკის თანამშრომლები ნაირა გოგოლაძე, დიანა ჭყოიძე, მარინა ბერიძე და ბიბლიოთეკის აქტიური მკითხველები, სტუდენტები და სკოლების მაღალი კლასის მოსწავლეები: მარიამ ალოშაშვილი, მარიამ გურუშვილი და გიორგი კოჩეტოვი, რომლებმაც პოეტის მოკლე ბიოგრაფიული ცნობების და სახასიათო ნაწარმოებების მსმენელთათვის გაცნობის შემდეგ, საკმაოდ საინტერესოდ და პროფესიული ოსტატობით წაიკითხეს პოეტის ლექსები.

შემდეგ აუდიტორიის წინაშე სიტყვით გამოვიდა გაზეთ „ლიტერატურული მესხეთის“ რედაქტორი ავთანდილ ბერიძე, რომელმაც, თავის მხრივ, მადლობა გადაუხადა ლონისძიების ორგანიზატორებს და მონაწილეებს აღნიშნული ლონისძიების ორგანიზებისათვის. ასევე ხაზგასმით აღნიშნა ქართული ლექსის, ზოგადად პოეზიის დანიშნულებასა და მნიშვნელობაზე. მანვე აღნიშნა, რომ ალექსანდრე ტაბატაძის პოეზიამ დროს გაუძლო და იგი მომავალი თაობების საყვარელ პოეტად დარჩება.

ალექსანდრე ტაბატაძის ერთ-ერთი ლექსის – „ბარათი გოკიის ტყეში მოჩუჩუხე წყაროს“ საპასუხოდ პოეტის თანასოფელელმა და პოეტმა

ელვარდ ზაზაძემ წაიკითხა პოეტის რჩეულ პოეტურ კრებულზე მინაწერი საკუთარი ლექსები: „ბარათი გოკიის ტყეში მოჩუჩუხე წყაროსაგან“ და „საუბარი გოკიის ტყეში მოჩუჩუხე წყაროსთან“. გაიხსენა პოეტთან შეხვედრების რამდენიმე ეპიზოდი სოფელ აგარაში, პოეტის მამისეულ ოჯახში, სოფ. რუსთავეში „შოთაობაზე“ და თბილისში – მწერალთა კავშირში.

სამცხე-ჯავახეთის ისტორიული მუზეუმის უფროსმა მეცნიერ-თანამშრომელმა, სამცხე-ჯავახეთის სახელმწიფო უნივერსიტეტის ასოცირებულმა პროფესორმა ნატო ყრუაშვილმა აღნიშნა, რომ უკეთესი იქნება თუ ხშირად მოეწყობა მსგავსი ლიტერატურული საღამოები, რომელსაც, მესხი პოეტების უკეთესი გაცნობის მიზნით, უფრო მეტი მოსწავლე-ახალგაზრდობა დაესწრება.



პოეტის ცხოვრებიდან საინტერესო ეპიზოდები გაიხსენეს მისმა თანამედროვეებმა და ახლობლებმა შალვა ჯინჭვალაძემ, ცეზარ გოგოლაძემ, თამაზ მელიქიძემ.

ლიტერატურული საღამოს ორგანიზატორებს და მონაწილეებს მადლობა გადაუხადა და წარმატებები უსურვა მერიის კულტურის, განათლებისა და სპორტის სამსახურის ხელმძღვანელმა ქეთევან მემუღლაძემ და კულტურის დანერგულებათა გაერთიანების დირექტორმა გიორგი ჟუჟუნაძემ, სამცხე-ჯავახეთის მხარის სახელმწიფო რწმუნებულის ადმინისტრაციის წარმომადგენელმა ირმა მერაბიშვილმა.

დასასრულს პოეტის ძმამ შალვა ტაბატაძემ გულითადი მადლობა გადაუხადა ლიტერატურული საღამოს ორგანიზატორებს და მონაწილეებს, ამასთან ახალციხის ცენტრალურ ბიბლიოთეკას საჩუქრად გადასცა ცნობილ ქართველ მწერალთა და პოეტთა ავტოგრაფებით დამზეუნებული, უკვე რელიკვიად ქცეული წიგნი – „ქართული პოეზიის ანთოლოგია“.

ელვარდ ზაზაძე

თარგმანები

პარუთიუნ ხუღანიანი

პარუთიუნ ხუღანიანი ცნობილი სომეხი პოეტი, მთარგმნელი, ისტორიკოსი, საზოგადო მოღვაწე და „სომხეთის ისტორიკოსთა ასოციაციის“ წევრია. მას ნათარგმნი აქვს ორ ათეულამდე წიგნი და ბუკლეტი (ძირითადად ისტორიული და ლიტერატურული ხასიათის). მუშაობს სომხეთის რესპუბლიკის მეცნიერებათა ეროვნული აკადემიის ისტორიის ინსტიტუტში. არის ათამდე სამეცნიერო ნაშრომის ავტორი და თანაავტორი. მრავალი წლის განმავლობაში მუშაობდა აკადემიურ გამოცემებში, სადაც კორექტირებასა და რედაქტირებას უკეთებდა ინგლისურენოვან ტექსტებს ჟურნალებისთვის. პარუთიუნ ხუღანიანი საქართველოს და ქართველი ხალხის გულწრფელი და ერთგული მეგობარია. მას ბევრი გულითადი მეგობარი ჰყავს ქართულ ინტელექტუალურ წრეებში. იგი მრავალი წლის განმავლობაში თანამშრომლობს სომხეთში ქართულ სათვისტომო „ვერდიანთან“, რის შედეგადაც გასულ წელს გამოიცა საკმაოდ სქელტანიანი წიგნი „ქართველები სომხეთში“.

ქვემოთ ვთავაზობთ მის ორ ლექსს, რომლებიც ქართულად პირველად ითარგმნა სომხეთისა და საქართველოს მწერალთა კავშირების წევრის, პოეტისა და მთარგმნელის ნინო სპანდერაშვილის მიერ.

მიყვარდი

მიყვარდი ისე უმნიშვნელო გრძნობით,
მხურვალეებით რომ, მზესავით
მწვავდა,
მარადისობით ავსებდა სულს და
ცაში აფრენის უდავოდ მწამდა.

შენ კი გიყვარდი ეჭვებით ტანჯულს,
თვალუბანთებულს, თრთოლვით
და ვნებით,
რასაც მაგ გულის მარადის მწყობრებს
მამცნობდი ხანჯლადქცეული მზერით.

ბევრჯერ დამიცდა ფეხი სავალზე,
თვით ჯოჯოხეთის ფსკერზე დავეცი,
დავთმე სიამე ამქვეყნიური,
რომ შენი სუნთქვით მეგრძნო ალერსი.

დამნაშავე ვარ, გზას ავცდი ბევრჯერ,
ცხოვრების მწარე ბანგმა დამათრო,
მოდი სასმისი დავცალოთ ერთად,
იქნებ პირველმა ცეკვამ აგვანთოს..

რა ბედენაა

რა ბედენაა უნინ სად ვიყავ,
შენამდე ბედმა როგორ იავა,
ბევრჯერ დამწვარს და
ფერფლიდან აღმდგარს,
თავს რა გრიგალმა გადამიარა.

ვერ ჩამიყოლა ზღვათა მორევმა,
ტალღებთან ომში წლები გავიდა,
ბრძოლით, ჭიდილით
ძალაგამოცლილს,
ხშირად სტიქიის ძალა მჯავბინდა.



ფეხი დამიცდა, დავეცი მწარედ,
თუმც ნამოდგომის ძალა კვლავ ვოვე.
ამ საწუთროში მეც სხვათა მსგავსად
მრავალჯერ შევცდი, მრავალჯერ
ვცოდე.

თუ ასეთია ცხოვრების წესი,
რალა აზრი აქვს რა გაცნა მქონდა,
ვის თვალთა ეშხის მონად ვიქეცი,
ვის უნაზეს სულს ვუძღვენი ოდა.

დღეს სულ ერთია ამ გულის სითბომ
რამდენის გული გააჩირაღდნა,
გრძობებში რამდენ თავმოყუებულს
უბრად შორს ყოფნა ჩემგან
წილად ხვდა.

შენ ერთადერთი ხარ ჩემი ანმყო,
ამ მზისქვეშეთში მხოლოდ შენ მწამხარ,
რა ბედენაა ვინ მსურდა უნინ,
თუ უკანასკნელ ბედ-ილბლად მყავხარ!


პარუთიუნ ხუღანიანი,
სომხურიდან თარგმნა
ნინო სპანდერაშვილმა

ფინიაზური

თამარ გლუჩიძე

სამუდამოდ ტოვებდა აქაურობას. გულდაწყვეტილი ალაგებდა ჩანთას, თან ეშინოდა, ნერვიულობის გამო რაიმე მნიშვნელოვანი და აუცილებელი არ დარჩენოდა. ახლა რომ გეკითხათ, ვერც გეტყვით, რასთან დაშორება სტკენდა ყველაზე მეტად გულს. ერთადერთი, რაც აკვირვებდა, ის იყო, რომ ერთი და იგივე ნივთი ხან უმნიშვნელოვანესად ეჩვენებოდა, ხან სრულიად უმნიშვნელოდ, თუმცა ახლა იმაზე ფიქრის დრო არ იყო, ეს რანაირად შეიძლებოდა მომხდარიყო. ჩანთის შუა ლაგებაში თავი გამოიჭირა, რომ შიგადაშიგ ღრმად შეისუნთქავდა ხოლმე ჰაერს, აქაურობის სურნელს აგროვებდა, იქ, სადაც მიდიოდა, ცოტა ხანი მაინც რომ ეკმარა და სული არ შეხუთვოდა. ყველაფერს, რასაც ეხებოდა, ამ შეხებით ემშვიდობებოდა, თან, თითქოს, უნდოდა თავისი სითბოც დაეტოვებინა ზედ. ახლა ვეღარ გეპულობდა, ამდენი ნივთი რაში სჭირდებოდა, თუმცა, თავის დროზე, სულ ეჩვენებოდა, რომ არაფერი ჰქონდა საკმარისი. ყველაზე მეტად უკმაყოფილების ამ გრძნობის რცხვენოდა. მაშინ, ახალგაზრდობაში, სახლი, სამყარო, სადაც ყველასთვის ყველაფერია, თუ მისწვდები და აიღებ... ჰყავდა მეგობრები, ახლობლები, ვინც უყვარდა, რა არ ჰყოფნიდა?!

ახლა? რა აქვს! გააცია. არა, ამაზე აღარ უნდა



იფიქროს! უცებ რატომღაც მოუნდა სარკეში ჩახედვა. წამოდგა. კედელზე დაკიდებულ უზარმაზარ სარკეს მიუახლოვდა და გაშეშდა. მხოლოდ თვალებს ამოძრავებდა და ამ გადაღლილი, დაღარული, ჩაშავებული, ჩამქრალი თვალებით ისე სწავლობდა სარკეში თავის თავს, თითქოს პირველად ენახოს. ამ სამყაროში

მცხოვრები საკუთარი თავიც აქაური სურნელივით უნდა დაემახსოვრებინა. მერე, უცებ, პატარა ბავშვივით დასწყდა გული იმაზე, რომ ოთახი, რომლის კედლებიც მისი ემოციებით იყო გაჯერებული, არანაირად არ გამოხატავდა გულისტიკივლ მასთან განშორების გამო.

საათს დახედა. რამდენიმე წუთიღა დარჩენოდა. უცებ, თვითონაც ვერ მიხვდა, რა დაემართა, ფეხზე მყარად დადგა, წელში გაიმართა, თვალები დახუჭა, ხელები გაშალა, თავი ოდნავ მაღლა ასწია და სცადა წუთით მაინც სრულად ათქვეფილიყო ოთახის სივრცეში, რომელსაც ბოლომდე მაინც ვერაფრით თმობდა... დინჯად გაიხურა სახლის კარი...

ტაქსიში ჩაჯდა თუ არა, სხვა ადამიანად გადაიქცა. ეს სხვა ადამიანი ისე უემოციოდ უყურებდა გამვლელებს, როგორც ყოველდღე ვუყურებთ ჩვენც, ყველა დანარჩენი. უსიცოცხლობამ დაისადგურა მის გულში და გონებაში. დადგა უნარსულო, უმომავლო გაურკვეველობა, სიცარიელე, მის არსებაში და სხვა არაფერი...

მოხუცთა თავშესაფრის კარი მოღიმარმა ქალბატონმა გაუღო, ჩანთა გამოართვა და შეიპატიჟა. ამ ღიმღმა სასიამოვნოდ შეაფერხა მისი ცხოვრების ბოლო ნავსაყუდელი, რომლისთვისაც, იმედია, დარჩენილი სიცოცხლის ბოლომდე ეყოფოდა გაყიდულ ბინაში აღებული თანხა.



„გამარჯვების მომტანი ომიც კი ბოროტებაა, რომელიც ხალხის სიბრძნით თავიდან უნდა იქნეს აცილებული“.

ოტო ფონ ბისმარკი

ნარსკული შპისკუბი

ხიზაბავრა, 8 ლენინობისთვის. წელს ჯავახეთში კარგი მოსავალი მოვიდა ჭირნახულისა, კარგი გამოსავალიცა აქვს. ადრე, სულ უნინ, ქერი მოდიოდა ბლომად, სომხები რომ გადმო-სახლდნენ და გამრავლდნენ ყოველგან, ჰაერი გატყდა და დიკის მოსავალიც გამრავლდა; მიტომ მესხები ჯავახეთს „ქერ-დიკას“ ეძახიან. ახლა კი ეგრედ გაზომიერდა ჰაერი, რომ იგივე ხორბალ-დოლიც მოჰყავთ უხვად! ერთს სომხის ნათესს ათი სომარი და უფრო მეტი გამოდისო!

რაც უხვი და მეტი ჭირნახული მოვიდეს, ისეთს უთაურ, ოხერ-ტიალ დროებაში შთავც-ვივით, რომ ჭირნახულს გაეფების პირი არა აქვს. ერთ ადგილს თუ უხვი მოსავალი მოდის, მეორე, მესამე და მეოთხე მხარენი უმოსავლი-ანობისაგან შეწუხებული არიან, შეშინებულ-ნი თვალ-დამშეულნი. არ იციათ, თუ რით რა წამალი დაადვენ თავიანთ სილატაკეს.

ყარსის მცხოვრები მაჰმადიანების დიდი ნაწილი გარდასახლდა ოსმალეთში, დანარ-ჩენებიც დარჩნენ შეშლილნი, სწორედ ვერც მოხნეს-მოთესეს და ვერც რიგიან ყოფა-ცხოვ-რებას დაადგნენ. ასრე უნდა ვიფიქროთ მეორე მხარეებზედაც, ჩილიდირია, არტანია თუ სხვა მხარეები!

ერთს სახლში ჭირიანობის დროს რძალ-დედამთილი დაშინენ: რძალმა რომ მუშაობას ხელი მიჰყო წლის სარჩოს შემოსატანად, დე-დამთილმა უთხრა: შეილო, ტყუილად თავს რად ინუხებ? მე ამ ჩემს დიდს ნაღვლისგან ველარ ვიცოცხლებ, უთუოდ მოვკვდები, შენც ახალი რძალი ხარ თვალნაჩენი, არა ვინ დაგ-ტოვებს აგრე ქვრივად, ვინც არის გითხოვს, მე მოვკვდები, შენ გათხოვდები, გარჯა და სარჩო რისთვის გვინდაო?

არც ბებერი მოკვდა, არც რძალი გათხოვ-და და ორნივე მშვიდნი დარჩნენ! ასრე მოუვი-დათ ჩვენს ახლადშემოერთებულ მეზობელ-მოძმეთა და რითილა მოხდება ჭირნახულის გაეფება?..

ჯავახეთში ბევრგან კალო შეიბა. მთის ძირებში ზოგან ახლა ეპირებიან, მაგრამ ბო-ჯომიდან ჯავახეთის ახალქალაქზედ გაყვა-ნილმა ახალმა გზამ საქმე გააჭირვა; თითო სოფლიდან 40-ცობით-სამოცობით და უფრო მეტი მუშის გაყვანით გლეხ-კაცს აღარ შერჩა ილაღვი. გამკითხავი და შემბრალებელი არა-ვინ არის. ასეთი უსინდისოდ მოპყრობა, ტაც-

ვა-გლეჯა ხდება ადმინისტრაციის დადგენილ მოხელეებიდან, რომ კაცი გაცდებოდა. მერმე იმ ნაირი სანყალი ხალხი არის, რომ ენა აქვს, პირი არა აქვს, პირი აქვს ენა და გამგონი არავენ უჩნდებათ. რამდენი სიცხევისაგან დასწეულებული ღარიბ-ლატაკი ხალხი ლოგინ-ში ვარდება და ბევრიც საუკუნოდ ეთხოვება ამ წუთის სოფელს? ადგილობრივ ადმინისტ-რაციას კი ეს გაჭირვებული გარემოებანი არ ენალვლება, ოღონც თავიანთზედ მონდობილი საქმე მალალ მფლობელობიდან მალე თავს გაიტანენ, თავიანთ სახელი გაიკეთონ და გლეხ-კაცს ჯანმრთე გაგვარდნია!.. ეს ერთი გა-ჭირვებაა?

მეორე გაჭირვება მავალ გლახაკ გლეხთა ეს გახლავს: გავლილ წლის პურ-ტკბილო-ბითა გაიყიდნენ, აღარც ხარ-ძროხა დარჩათ და აღარც ღონე-შეძლება. ბევრმა თავისი მინა სახნავი ნახევარზე მეტი მეზობელს გარდასცა, ბევრსაც ჭირნახულის ნახევა-რი მოსავალი მეზობლის ვალებში არც კი აუხდება. ამისთანებს ჯერ სწორედ არ გა-უღენიათ, ყოველ დღე ფოდრეჯიკებითგან შეჩენილნი პირნი ურია, სომეხი, ბერძენი დადიან და ახლავე აწვენენ ფულსება, 32 მა-ნეთად პურს ურიგდებიან და 20 სომარ ქერ-სა. ეს საწყლებიც გაჭირვებისაგან ტყვილდე-ბიან და თავიანთ მომავალს კი აღარ ეძებენ! ამათგან უარეს ჭირს აყენებენ კარის-კარ მანანწალა ურეები, ბერძენი და ახალქალა-ქელი სომხები. ამათ ძველს თუ ახალ ვალებს თუ მოურჩენენ, კაი საქმეა!

წელს ხერთვისის და მის ხეობაში ხილნა-რი კარგი არ იყო: რაც ესხა ცოტა, ისიც ცივ ტაროსებიდან კარგად არ შემოვიდა; მეზობელ ხალხმა ამ ზაფხულობით თავი ძლივ გამოიყვა-ნა თავიანთ ბლჩებიდგან მოსული ხილით და ვნახათ ამ ზამთრობას რით დაირჩენენ თავსა. ამათ თუმც კვარშას სახნავი მიწები აქვს, მაგრამ ხემა-თესვას ცივად ეკიდებიან.

საზოგადოდ მაჰმადიანები მეტად გულ-გრილად უყურებენ გლეხობას და მინის მუ-შაობას, თვალთ გარედ უჭირავთ, თავიანთ სარჩო ძლივ მოჰყავთ, ისე იქცევიან, თითქოს უცხო, მგზავრი და შორს სადმე წამსვლელი იყვნენ! ამათი ცხოვრებაში უკან დანევა პირ-ველად იქიდგან სჩანს, რომ ადრე სადაც ვენა-ხები ყოფილა თოკს, როკეთს, შეიდრევენტას, ტოლოშს, გელსუნდას, ნაქალაქებს, ასპინძას და ოშორას, სულ გაუუქმებიათ ზარმაცობით, მეტადრე ოშორას, რომ განთქმული იყო იქა-ური ღვინო და მცხოვრებთ დარბაისლური გა-

ლობა თუ სუფრული სამაგალითო იყო. თუმც მაჰმადიანები იყვნენ, მაგრამ უღვინოთ იმათი ლხინი, წვეულება და ქორწილი არ იქმნებოდა თურმე, ახლა, როცა რუსეთის მფლობელობა-ში შევიდა ჩვენი ქვეყანა, ნელ-ნელა გადაკაფეს ვენახები და მოსპეს მამა-პაპური ჩვეულება! ამ ოშორას ზუბალანთ გვარის-კაცი ბევრნი არიან.

გასაკვირველია, რომ სადაც მაჰმადიანე-ბი ქრისტიანებთან არეულად სხცოვრობენ, დლე-ღამესავით ირჩევიან; ქრისტიანები ნელ-ნელა მდიდრდებიან, სიცხოველე ეტყობათ ცხოვრებაში და მაჰმადიანები კი სიგლახაკეში მიდიან, ჰყიდიან ყანა-ჭალას, საბადებელს და რა ელევით ყოველი ღონე-საშვალე, ხელს ჰკი-დევენ ავკაცობასა, ცარცვა-მგლეჯელობას და მისთანას, რომელსაც თავიანთ ფანატეობას ძალით მადლად სთვლიან, სახელად და ვაჟ-კაცობად. ამ შვიდი წლის წინად ხიზაბავრელ მაჰმადიანებმა, ექვსი ოდეს მოსახლე იყვნენ, გაჰყიდეს თავიანთი სახლ-კარი, ყანა, ჭალა, ვენახები, ოჩხეები და გარდასახლდნენ შალო-შეთის ბეგის ნაოხარში; მაგრამ სულ ვერ შეენ-ყვნენ ადგილსა, მინებში აღებული ფულიც გამოჰამეს და, ამბობენ, ახლა სხვა ადგილს ეძებენ გარდასახლდებლად. აი ერთი მიზეზი ჩვენი მაჰმადიანების უკან დანევისა და გააე-კაცებისა.

ენკენისთვის დამლევს ჰქონდათ ხიზა-ბავრელებს სთველი. წლევანდელი ვენახის მოსავალი შარშანდელს ერთიორად სჯობდა, მაგრამ ყურძენს შემოსვლა აკლდა; იმისათვის ადრე მოჰკრიბეს, რომ ზოგიერთ ხელ-ნაკლე-ბულთა საპანლობით უწყეს ყიდვა ჯავახეთში პურზედ და შეძლებულნიც იმათ ნაეცილდნენ, რა არის ჩვენი ვისარგებლოთ. აგრეთვე სა-როელებსაც კარგი ვენახები ჰქონდათ წელს და დადებულესაც.

5 ლენინობისთვის პანაშვიდი იყო განსე-ნებული ბროსეს სულის სათვის ხიზაბავრის კათოლიკეთ ეკლესიაში, სადაც შეკრებილი-ყო სამი სოფლის ერი ხიზაბავრისა, ვარგავისა და ბნელისა. კუბო მორთული იყო ტევებით, სხმული ვაზის ფოთლებით და ყვავილებით. კუბოზედ იდვა ბროსეს დაბეჭდილი „ქართ-ლის ცხოვრება“ და ზედ სიმის ფუნჯებიანი გვირგვინი გარემოს მრავალი კელაპტრებით გაბრწყინებული. წირვის შემდგომ მღვდელმა ნაიკითხა შესაბამის სიტყვა მიცვალებულის პატივად. დიდი მხურვალეობა და თანავრძნობა გამოიჩინა ამ მდაბიო ხალხმა, ქალთი კაცამ-დის ისე გაკრძალულად იყვნენ და მწუხარედ,

რომ თითქოს ვინმე თავიანთ გულის დიდი საე-ვარელი მოჰკდომიანო.

30680 მისხი
„დროება“, 1880 წელი, N219

ჯავახეთიდან გვწერენ, რომ ჩვენსკენ სულ 15-მდე სოფელია ქართველებით დასახლებუ-ლი და ოთხი საერო სკოლა გვაქვს გამართუ-ლიო: ქილდისა, ბარალეთისა, ხიზაბავრისა და ხერთვისისაო. ხერთვისში ნახევარი მცხოვ-რებლებისა ქართველი მაჰმადიანები არიან, მაგრამ ისინიც აძლევენ თავიანთ შვილებს სკოლაშიო. სამწუხაროდ, გვწერს კორრესპონ-დენტი, ქართველი წიგნები ნაკლებად გვაქვს აქეთაო. ერთადერთი წიგნი, რომელიც მო-იპოვება სკოლებში ჩვენს ბედობაზედ, არის „დედა-ენაო.“ მაგრამ მარტო „დედა-ენა“ საკ-მარისი არ არისო. სხვა წიგნებს-კი არც ფასით და არც მუქთად არავენ არ გვიგზავნის. ამას წინად „დედა-ენაც“ არ იყო ჩვენს სკოლებში და მასწავლებელი ქალაღზე სწერდა ქართულს ანბანს და ისე ასწავლიდა ქართულ წერა-კითხ-ვას.

ამ ზაფხულს აქ გადმოვიდა აქ მღვდლად ნამყოფი მამა გიორგი ასათიანი, რომელიც დღეს წინამძღვარიანთ-კარში არის მღვდლათა და სამღვთო წერილის მასწავლებლადო და იმან გადმოუტანა შეგირდებს საჩუქრად რამ-დენიმე ქართული წიგნიო. უნდა გექცირნათ, რა სიხარბითა და ალტაცებით მიიღეს ეს სასი-ამოვნო საჩუქარი მოსწავლე ყმაწვილებმა და მაშინ დარწმუნდებით, რა ძრიელია ჯავახეთში სურვილი ქართულის წერა-კითხვის სწავლისა და საზოგადოთ ქართულის წიგნისაო.

ერთხელ „წერა-კითხვის საზოგადოებამ“ მოგვანოდა რამდენიმე წიგნი და დღესაც ესთხოვთ, ნუ დაგვივინეებს და ან საჩუქრად ან სწორედ გასასყიდად გამოგვიგზავნოს ქარ-თველ მწერალთა ნაწერები ჩვენის მოზარდის ახალ-გაზდობისათვის, რომელსაც ასეთი სიხარბითა ჰსურს და სწყურიათ სწავლა და ქართულის წიგნების კითხვაო. მეტად სასი-ამოვნოც არის და თან მეტად სამწუხაროც ეს ამბავი. სამწუხაროა იმიტომ, რომ ჩვენ ყურად-ღებასაც არ ვაქცევთ ამ გარემოებას და არ გვინდა მივეშველოთ და დაუწყებელი მო-ხალხს ეს სურვილი. ვისაც ასხმიათ ყურნი სმე-ნად, ისმინო!

„ივერია“, 1886 წელი, N212

ფოლკლორი

დილით ამდგომ უხაროდეს, გვიან მოსადილესაო.

თუ ცა მწყალობს, დედამინა ვერრას დამაკლებს.

უსირცხვილოს თუ არ არცხვენ, ბაძვით მორცხვიც გაურცხვდება.

რა მღვდლის ჯორივით გაჰქირდი?

ღმერთო, ბუნებით მდიდარო დიდო, ჩემებრ იმედო, გთხოვ ყური მიგდო: ძლეულს უდროვით სიკვდილისაგან ამ წუთ სოფელში წილი დამიღო.

წვეთი წმინდა მადლისა, ყველას მოგვმადლებია. ზოგთა გულში ღვივის ის, ზოგში ამომშრალია.

ვისაც სურს, რომ ფხიზელი თვა-ლით, ცხოვრების სვლას ჩაუკვირ-დეს – შეისწავლოს, ან არ უნდა გაჩნ-დეს ქვეყნად, ან უმაღლე დაიმარხო.

დავაყარე წისკვილსა, გამოველი სირცხვილსა.

წისკვილი დაგიკარგავს, ჩახარახს დაეძებო.

ჯავახმა კაცმა რა იცის? სადილს სჭამს, გაგორდებო, წინ რო დოქით ღვინო ედგას, მაინც დო აგონდებო.

ვთქვა? – ხანი მომკლავს, არა ვთქვა – სისხლი მახრჩობს.

ერი ერთს კაცობდეს სჯულს არ სცხებდეს მღვდელი, ხალხი ცხვრად არ მიაჩნდეს, არც თვით იყოს მღვდელი.

თუ კაცი კაცად კაცია, რათ უნდა მას ფული? თუ კაცი ვირია, შემოსე ოქროს ჩულით (მაინც ვირათ დარჩება).

სეტყვამ დამასველა, წვიმისა არ მერიდება.

ჯიშით გათხვრილი, ჯიშსვე მიბა-ძავს.

ყვავი რომ ბულბულად იქცეს, ვარ-დის ღირსება რა იცის.

ძალით ჩაგონებული ჭკუა ჭკუა არაა, ადამიანს ბუნებითი ჭკუა უნდა ჰქონდეს.

ვთქვა, ბატონი მომკლავს, არა და სისხლი მომხრჩობს.

კბილის ჩიჩქნით მუცელი არ გაძლება.

დათვი ტყეს შემოსწყრა, ტყემ არა-ფერი იცოდა.

ჩაიწერა ნიკოპ ასათიანმა 1930 -1939 წწ. ახალციხის ეროვნული მუზეუმის ფ. N3102

მადლობა

გაზეთ „ლიტერატურული მესხეთის“ რედაქცია მადლობას უხდის ახალ-ციხელ ბიზნესმენს, ჩვენი გაზეთის ერთგულ მეგობარს, შპს CO-2+-ის დირექტორს

აპთანდილ ბაქაძეს ფინანსური დახმარებისათვის

გაზეთის ელ.ვერსიების არქივი: ციფრული ბიბლიოთეკა „ივერიელი“ (საქართველოს ეროვნული ბიბლიოთეკა)

დამფუძნებლები:

ფიზიკური პირი ავთანდილ ბერიძე
სსიპ სამცხე-ჯავახეთის სახელმწიფო უნივერსიტეტი

გაზეთი რეგისტრირებულია ასპინძის რაიონის სასამართლოს მიერ 1998 წლის 15 ოქტომბერს.
სარეგისტრაციო N19/4-17

კომპიუტერული
უზრუნველყოფა
ირმა ჯიშკარიანის

რედაქტორი ავთანდილ ბერიძე
სარედაქციო საბჭო:
დურმიშან ბერიძე, მერაბ ბერიძე,
ვახტანგ ინაური, სოსო გიქოშვილი

გაზეთი დაიბეჭდა
შპს „საარის“ სტამბაში
მისამართი: ქ. თბილისი,
თევდორე მღვდლის 57.
ტელ: 2.94-14-32

რედაქციის მისამართი:
0500, დაბა ასპინძა, თამარის ქ. N3,
ტელეფონი მთავარი რედაქტორის: 599 97 95 24
lit.meskhedi@gmail.com
lit.meskhedi@yahoo.com

გაზეთის რედაქცია სარგებ-ლობს თავისუფალი პრესის პრინციპებით და ავტორის მოსაზრებებსა და გამონათ-ქვამებზე პასუხს არ აგებს